



THULE-MI AJUTOORNEQ

Nunap qinngornerik ulorianartunik qanoq
annertutigisumik mingutsinneqarsimaneranik
naliliineq

2017

**Thule-mi ajutoorneq – Nunap qinngorernik ulorianartunik qanoq annertutigisumik
mingutsinneqarsimaneranik naliliineq**
© Sundhedsstyrelsen, 2011

Sundhedsstyrelsen
Islands Brygge 67
2300 København S
www.sst.dk

Aaqqissuussisoq siunnersuisuuneq, Kaare Ulbak, Statens Institut for Strålebeskyttelse,
Knapholm 7, 2730 Herlev

Sammisat: Kalaallit Nunaat; Thule, plutonium, ajutoorneq, mingutsitsineq;
Qinngorernik sunniivigitinnerup annertussusaa, kinguneriumaagaanik naliliineq
Suussusaa: siunnersuineq
Oqaatsit: Kalaallisut

Nalunaarusiaq: 1,0
Nalunaarusiorneq: 24. november 2011
Naqinnejarnera: pdf

Qarasaasiakkoortup normua(ISBN): 978-87-7104-232-0
Naqitap normua(ISBN): 978-87-7104-233-7

Saqqaani assiliartaliussaq: Svend K. Olsen
Naqiterisoq ilusilersuisorlu:
Rosendahls - Schultz Grafisk A/S, Herstedvang 10, 2620 Albertslund

Saqqummiussisoq: Sundhedsstyrelsen, december 2011

Suminngaanneernera ersarissumik nalunaarlugu saqqummersitaq
issuaavigineqarsinnaavoq

Imai

Aallaqqaasiut	5
Eqikkaaneq	7
1 Misissuinermut tunuliaqutaasoq	11
2 Qinngorernut ulorianartunut illersornissamut tunngaviit aalajangiinermilu toqqammaviit	14
2.1 ICRP-p innersuussutai	14
2.2 Thule-mi ajutoornermut tunngatillugu naliliinermi toqqammavik	16
3 Qinngorernik ulorianartunik akullit, sunniivigineqarnermut aqqutaasartut annertussutsimillu naatsorsuisarneq	19
3.1 Qinngornerit ulorianartut Thule-mi ajutoornermut attuumassuteqartut	19
3.2 Sinniivigineqarnermut aqqutaasut	19
3.3 Qinngorernik ulorianartunik sunniivigineqarnerup annertussusaanik uuttuinermi periutsit	21
3.3.1 Najuussuineq	21
3.3.2 Nerineq	28
3.3.3 Kilerneqarneq/kimillanneqarneq	32
4 Thule-mi qinngorernik ulorianartunik sunniivigineqarnerup annertussusaanik naliliineq	34
4.1 Mingutsitsinerit annertussusaat	34
4.2 Najuussuinkkut sunniivigineqarneq	34
4.3 Nerinikkut sunniivigineqarneq	36
4.4 Kilerneqarnikkut/kimillanneqarnikkut sunniivigineqarneq	38
4.5 Eqikkaalluni naliliineq	40
4.6 Plutonium-imik timimit aniatitamik uittortaasarnerit	42
5 Ajutoornerni allani mingutsitsinerit	44
5.1 Palomares-imi, Spaniamiittumi	44
5.2 Maralinga-mi, Australiamiittumi	46
5.3 Thule-mi mingutsitsinermut assersuussineq	47
6 Inerniliinerit innersuussutillu	49
6.1 Inerniliinerit	49
6.2 Innersuussutit	49
7 Najoqqutarisat	51

Aallaqqaasiut

Amerikkarmiut timmisartorsuata qaartartunik sisamanik usilluni Kalaallit Nunaanni Pituffiup eqqaanut sikumut 1968-imi nakknera ilaatigut plutonium-ip avatangiisiniut siaruaanneranik kinguneqarpoq. USA Qallunaat Nunaanni oqartussat isumaqati-giissuteqarfigalugit sikumi annertuumik saliisitsivoq 1968-imilu aasakkut tamatumalu kingorna, qallunaat immikkut ilisimasallit avatangiisini uuttortaapput misissugassanilu, kingorna Qallunaat Nunaanni misissorneqartunik, katersillutik.

Qallunaat ajutoornerup kingorna saleeqataasut qinngornernik ulorianartunik sunnivigineqarnermikkut peqqissutsimikkut ajoquersimanerat 1986-imi assigiinnngitsutigut tutsiuppoq. Apeqput taanna pillugu Qallunaat Nunaanni peqqinnissakkut nakkutilliisoqarfik Sundhedsstyrelse qallunaat amerikkarmiullu paassisutissaataannik pissarsiarineqarsinnaasunik katersivoq, tamannalu tunngavigalugu 1986-imuit 1991-imut nalunaarsuiviit-, aaviinerit assigisaallu-, kiisalu peqqissutsikkut misissortinnerit tunngavigalugit-, ilaatigut nuna tamakkerlugu nappaammik kraeftimik akiuiniaqtigiflik Kraeftens Bekæmpelse, naalagaaffiup innutaasut peqqissusaannik ilisimatusarfia Statens Institut for Folkesundhed kiisalu suliffimmi avatangiisit peqqissuserlu pillugit immikkoortortat suleqatigalugit, misissuinerit aallartillugit. Thule-mi saleeqataasut kalaallillu piniartut misissuinermi peqataapput. Paasisat naapertorlugit timmisartorsuup nakkneranik patsiseqartumik, inuit pineqartut akornanni nappaatillit toqusartullu amerlinerannik pasitsaassineq, Sundhedsstyrelse-p misissuinermi tamatumani uppernarsinngilaa.

Risø DTU-p Thule-p eqqaani avatangiisini plutonium-eqarneranik misissuineranut atatillugu 2003-mi sinerissap ilaani Pituffiup kujataata kitaaniittumi issoq misissugas-satut piiagaq, plutonium-imik 1968-imi timmisartorsuup nakkneranit pisumik annertussusaa allangorartumik nassaarfiuvoq. Nassaarneq patsisigalugu kalaallit qal-lunaallu peqqissutsimut tunngatillugu oqartussasuunit peqataaffiusumik suleqatigisi-taliortoqarpoq, avatangiisinilu pineqartuniinneq ulorianateqarnersoq naliliiviginiar-lugu innuttaasunik misissuisitsinissaq, taamatullu annertunerusumik qinngornernik ulorianartunik uuttortaallunilu misissuinissaq aalajangunneqarpoq.

Naalagaaffiup innuttaasut peqqissusaannik ilisimatusarfia Statens Institut for Folkesundhed kiisalu Peqqissutsimut Naalakkersuisoqarfip Nuummiittup 2010-mi 2011-imilu Avandersuarmi innuttaasut peqqissusaannik misissuisitsineranni annertuu-mi, 1968-imi timmisartorsuup nakkneranut attuumassuteqarsinnaasumik nappaatil-lit toqusartullu amerleriarsimanngillat.

Avandersuarmi qinngornerit ulorianartut pillugit misissuinerit kingullit Risø DTU-p immikkoortuani qinngornerit ulorianartut pillugit ilisimatusarfimmi ingerlanneqarput immikkullu nalunaarusiarineqarlutik. Tamatuminnga patsiseqartumik nunamit qinngornernik ulorianartunik sunnigaasimasunik, taamaasillunilu tamatuma nalaani anga-laarnerup navianaataanik naliliineq Sundhedsstyrelse-mit naalagaaffiullu qinngorner-nut ulorianartunut illersornissaq pillugu ilisimatusarfianit Statens Institut for Strålebeskyttelse ingerlanneqarpoq. Qinngornerik sunniivigineqarnerup annertus-susaanut uuttuuttitut atorneqartut, uuttuutissatut toqqakkat naatsorsuinermilu inerne-rit, nalunaarusiami matumani sukumiinerusumik nassuarneqarput.

Mingutsisinerup taama ittuq qanoq isilluni inunnik sunniisinnanera kiisalu qinngornernut nalinginnaasunut inuit namminneq- pinngortitallu pilersitaannut sanilliulugu, qinngornernik ulorianartunik sunniivigineqarnerup annertussusiata,

Avanersuarmi plutonium-imik mingutsitsineq pillugu paassisutissat sukumiinerullutil-lu paasiuminarnerulernissaannut, nalunaarusiap matuma sunniuteeqaqataasinnaanera Sundhedsstyrelse-mi neriuutigineqarpoq.

Else Smith

Sundhedsstyrelse-mi ingerlatsinermi pisortaq

Eqikkaaneq

Thule-mi ajutoorneq – qinngornerit ulorianartut nunameersut inummut sunniutaasa annertussusaannik naliliineq

Amerikkarmiut timmisartorsuata 1968-imi nakkarnerata kingorna Thule-p eqqaani nunap qinngornerik ulorianartunik mingutsinneqarnera Risø DTU-mit misissorneqarlunilu naliliivigineqarpoq. Naalagaaffiup qinngorernut ulorianartut illersornissamut ilisimatusarfia Statens Institut for Strålebeskyttelse Kalaallit Nunaanni misissuinerit tunngavigalugit qinngornerit annertussusaat, taamaasillunilu mingutsinneqarsimasumiinnerup tamatuminngalu atuinerup ulorianaatigisinnaasai, naliliivigai. Thule-mi ajutornermi toqqammavissatut innersuussamit qinngornerik sunniivigineqarneq annikinnerusoq naliliinerup takutippaa.

Misissuinermut tunuliaqutaasoq

1968-imi amerikkarmiut timmisartorsuata B-52-ip atomip nukinga atorlugu sakkussianik qaartartunik sisamanik usilluni nakkarnerata kingorna qinngornerit ulorianartut siaruaannerisigut, Avanersuarmi nunami mingutsitsineq Risø DTU-p misissuivigaa. Risø DTU-p misissuinerani paasisani nalunnaarusiami *Thule-2007 – Investigation of radioactive polution on land* –imi nassuarneqartuni Thule-mi 2003-mi, 2006-imi, 2007-imi 2008-milu nunami uuttortaanerit tamarmik ilaapput.

Nalunnaarusiami matumani Risø DTU-p nalunnaarusiaa tunngavigalugu qinngornerik ulorianartunik sunnertinneq taamaasillunilu Avanersuarmi nunap mingutsinneqarnerata inunnut navianaataa naliliivigineqarpoq.

Qinngorernut ulorianartunut illersornissamut tunngaviit aalajangiinermilu toqqammaviiit

Qinngorernut ulorianatalinnut illersornissamut tunngaviit aalajangiinermilu toqqammaviiit, nunarsuaq tamakkerlugu qinngorernut ulorianartunut illersornissamut Kommission-ip (ICRP) innersuussutai naapertorlugu, Qallunaat Nunaanni nunarsuarlu tamakkerlugu inatsisit maleruagassallu tunngavigineqarput, taakkuttaarlu nalunnaarusiami matumani naliliinermi tunngavigineqarlutik. Avanersuarmi mingutsitsineq ICRP-p naliliinersut siuningaaniit qinngornerik ulorianartunik sunniivigineqarsinnaaneq pitsanngorssaasinnaanerlu, Naalagaaffiup qinngorernut ulorianartunut illersornissamut ilisimatusarfia Statens Institut for Strålebeskyttelse-p (SIS) isumaa naaperstorlugu, isummerfigineqarsimanngitsutut oqaatigisariaqarpoq.

Avanersuarmi illersorneqarnissamut iliuusissanik immikkut ittunik pisariaqartitsinerup naliliivignerani- taamaattoqassappallu pisariaqartitsinerup tamatuma pitsanngorsaaviginissa, Thule-mi ajutornermut atatillugu qinngornerik ulorianartunik sunniivigineqarnermiit uuttortaanermi uuttuitigisap ICRP-millu innersuussutaasup appasissumut (ukiumut 1-20 millisievert =mSv) inissinnissa pissusissamisuussaaq. Naliliinermi toqqammavissaq killiliussatut naatsorsuutigineqassanngilaq. SIS –ip nalunnaarusiami matumani misissueqqissaarnermi naliliinermilu, ukiumut 1 mSv Thule-mut tunngatilugu atugassatut toqqammavigaa.

Kalaallit qallunaallu ukiumut 1 mSv missiliorlugu qinngornerik ulorianartunik silaan-narsuarmiit, issumit, sanaartornermi atortunit nerisanillu sunniivigineqartarnerat (avatangiisit qinngornerinik nalinginnaasumik sunniivigineqarneq) Thule-mi naliliiner-

mi toqqammavigisamut assersuunneqarsinnaavoq. Tamatuma saniatigut innuttaasut ataasiakkaat sunniivigitissinnaanerannut qallunaat killiliussaat (ass. Risø-mi atomip nukissiorfiit) ukiumut aamma 1 mSv-uvoq. Qinngorernik ukiumut 1 mSv-mik sunniivigineqarneq peqqissutsimut akornutaanngilaq.

Sunniivigineqarnermut aqquaasut qinngornerillu annertussusaannik naliliineq

1968-imi ajutoornermi, amerikkarmiut timmisartorsuata qaartartunik nakkaatisitsartup usisaanit atomip nukinga atorlugu sakkussianit sisamaasunit qinngornerit ulorianartut assigiinngitsut siaruaanneqarput. Qinngorernik ulorianartunik aniatsitsisut taakku akimut pitaassinnaanerat suunngitsuinnaammat, Thule-mi mingutsitsiviusumiinnej avataaniit qinngorernik ulorianartunik soorlu napparsimavimmi qinggaartartinermi qinngorernik sunnigaanertut ittumik kinguneqartsitsinngimmat, qinngornerit ulorianartut timip iluaniilersimappata aatsaat sunniivigittoqarsinnaavoq (ilumiit qinngorernik sunniivigineqarnermik taaneqartartoq). Tassani ulorianartunik qinngornillit pingarnerit tassaallutik plutonium-239 kiisalu americium-241. Taakkulu Thule-mi qinngornerit qanoq annertutiginerisa ulorianataasalu naliliivigineqarneranni aalajangisuupput nalunaarusiamilu matumani qinngorernik sunniivigineqarnerup annertussaanik naliliinermi ilaallutik.

Inuup timaata iluaniit qinngorernik ulorianartunik sunniivigineqarneq pinngoqqaatit uumaatsut timimut pinermikkut peqqissutsimut ajoquisiinerannut assersuunneqarsinnaavoq. Qinngorernik ulorianartunik timimut pisoqarnera assigiinngitsutigut pingasutigut pisinnaavoq:

- Issumik qinngorernik ulorianartunik mingutsinnejqarsimasumik anorimillu teqqalatitaasumik najuussinikkut.
- Uumasunik mingutsitaasimasumiissimasunik nerinikkut.
- Ammip qinngorernik ulorianartunik mingutsinnejqarsimasup amerlerneratigut kilerneratigulluunniit.

Sunniivigitissinnaanermut aqquaasut qulaani pineqartut tamarmik nalunaarusiaminassuarneqarput sunniivigitinnerullu annertussusaa Risø DTU-p misissuineri mingutsiviusumiinnermullu tunngatillugu ilimagisat assigisaallu tunngavigalugit naliliivigineqarpoq.

Qinngorernik ulorianartunik najuussinikkut sunniivigineqarnerup annertussusaa

Mingutsiviusumiilluni qinngorernik ulorianartunik najuussinikkut sunniivigineqarneq, inuup mingutsiviusumi ukiup ataatsip ingerlanerani ulluni 14-ini najorsimaani, silaannaap plutonium-eqarneranik uuttortakkat naapertorlugit natsorsorneqarpoq. Misissuinermi paasisat naapertorlugit sunniivigineqarneq ukiumut 0,000.000.1 mSv-iusoq annikitsumineerarsuuvoq.

Umimmattornikkut qinngorernik ulorianartunik sunniivigineqarnerup annertussusaa

Avanersuarmiut nunap uumasuinit nerisarinerusartaagaata umimmaap neqaata plutonium-239 imal. americium-241-mik akoqarnera Avanersuarmi nunallu immikkoortuini allani misissuivigineqarnikuunngilaq. Ataatsimulli isigalugu plutonium inuit uumasullu-taakkununnga ilaallutik umimmattut tamugartortut-nerisaasa arorfinit timimut appakaassinnaanerat killeqarpoq. Taamaammat nunarsuarmi plutonium-imik mingutsiviusuni uumasullu nerisaqarfii pinngitsooratik Kalaallit Nunaannit allaassuteqartuni, uumasut tamugartortut allat pillugit ilisimasat tunngavigalugit, umimmaat neqaasa mingutsinnejqarsimasinnaanerat naliliivigineqarpoq. Taama naliliigallarneq tunngavi-

galugu USA-mi nersutaatit Tuluillu Nunaanni savat misissuivigigaanni, inullu ataaseq ukiumut umimmaap neqaanik 10 kiilumik nerisarpat, qinngorernik ulorianartunik sunniivigineqarneq ukiumut 0,000.1 mSv-uissaq. Naak taanna najuussinikkut sunniivigineqarnermit annertunerugaluaq taamaattoq suli annikitsumineerarsuuvoq.

Nerisaqarnikkut qinngorernik ulorianartunik sunniivigineqarneq pitsaanerusumik naliliivigisagaanni tamanna aatsaat Avanersuarmi umimmattat neqaannik misissuunikkut pisinnaavoq. Naalagaaffiup qinngornernut ulorianartunut illersornissamut ilisimatusrifiata (SIS) neqit plutonium-imik akoqarnerannik uuttortaalluni misissuinermi naatsorsuutaagallartumut sanilliullugu, annertuumik ass. 100-riaammiit 1000-iaammut nikingassuteqarnissaa naatsorsutiginngila. Nerinermi inuup sunniivigineqarsinnaaneranut toqqammavigalugu naatsorsutigisamut ukiumut 1 mSv-mit assersuullugu killisarititaasut atituut iluanni aalajaatsutut isigisariaqarpoq.

Kimillannertigut qinngorernik ulorianartunik mingutsinneqartutigut sunnigaanerup annertussusaa

Mingutsitsiviusumiinnikkut amermi ikit kimillannerillu pujoralammit, issumit pinn-goqqaatinilluunniit mikisunit mingutsinneqarsinnaapput. Nalinginnaasumik ikit kimillannerillu sukuluarlugit saleqqissaarneqartarput. Saliinermili minitaqarsimagaanni taakku timimut sunniussinnaapput qinngornernillu ulorianartunik akoqarpata takku timi iluaniit qinngorernik ulorianartunik suniivigisinnaavaat. Thule-mi ajutoornermi ammikkut kimillannerit qinngorernik ulorianartunik mingutsinneqarsimanissaat annikitsuinnaavoq taamaammallu inuup inuunermini ataasiaannarani kimillannertigut qinngorernik ulorianartunik mingutsitsivigineqarsimanissaat annikitsuararsuulluni.

Taama mingutsitsisoqarnissaa ilimanaateqarpiangikkaluaq, kimillanneq qinngorernik ulorianartunik mingutsinneqassappat, inuup sunniivigineqarsinnaanera issup pinn-goqqaatillu plutonium-imik akoqarnerisa naatsorsorneqarneranni - ikip issumik 0,1 gram-imik mingutsinneqarsimanera imal. pinngoqqaatip qinngorernik ulorianartunik suniisinjaanerata annerpaaffissamininera- naapertorlugu naatsorsorneqassaaq. Inernaliinermi inuup kimillanna aqqutigalugu issumit qinngorernik ulorianartunik mingutsitamit sunniivigineqarneq ukiumut 0,001 mSv-uvvoq taamatullu pinngoqaamik ikeq mingutsinneqartoq ukiumut 0,1 mSv -ulluni. Qinngornerit ulorianartut inummut sunniutaat taakku annikitsuararsuupput.

Inernaliinerit innersuussutilu

Inuit qinngorernik ulorianartunik suniivigineqarnerannik naatsorsuinerit naliliinerillu naammassineqartut, mianersortumik qinngornerit ulorianartut sunniutaannik annertunerusumik naliliinerusut tunngavigalugit suliarineqarput, soorunalumi naatsorsuinerit naliliinerillu nalorninartortaqarlutilu killeqarput. Tamanna pissutigalugu inernaliinermi qinngorernik ulorianartunik sunniivigineqarnermi annertussusiliineq akunnaallisagavoq inernerillu inunnut tamanut misissuivigisamiittunut- ukiui apeqqutaatinngagitatuuttussaalluni (piniartuniit "takornarissanut").

Qinngorernik ulorianartunik sunniivigineqarsinnaanernut assigiinngitsunut pingasusunut (najuussineq, nerineq kimillannerlu) tunngatillugu misissuinermi paasisat naapertorlugit, Avanersuarmi 1968-imi ajutoornermut atatillugu plutonium-imik mingutsitsinikkut, qinngorernik ulorianartunik sunniivigineqarneq ataatsimut tamakker-lugu- sakkortuunik aalajangiisuuusunik piumasqaatitaqaraluq- naatsorsuinermut atatillugu naliliinissami toqqammavigisamit ukiumut 1 mSv-mit annikinnerummat, peqqissutsimut sunniuteqanngitsutut nalilerneqarpoq.


Qinngorernik ulorianartunik sunniivigineqarneq pillugu Risø DTU'p misissuineri, kiisalu naatsorsuinerit naliliinerillu tunngavigalugit, naalagaaffiup qingorernut ulorianartunut illersornissamut ilisimatusarfia Statens Institut for Strålebeskyttelse, illersornissamut peqqissutsimullu tunngatillugu uutortaanerit naliliinerillu –siunissamilu uutortaanissamik pisariaqartitsinerup naliliivigisariaqarnerata malinnaaviginissaannut pisariaqartitsineq pillugu, ima innersuussutissaqarpoq:

- Qinngorernut ulorianartunut illersorsinnaanermut naliliineq tunngavigalugu ullumikkut Thule-mi mingutsinneqarsimasumik atueriaaseq tunngavigalugu mingutsinneqarsimasup najornissaa il.il. killilersortariaqanngilaq saliisitsisoqartariaqaranilu.
- Qinngorernik ulorianartunik nerisatigut sunniivigineqarnermik naliliinermi oqaatigineqareersutut, Avanersuarmi nunallu immikkoortuini allani umimmaat plutonium-imik mingutsinneqarsimanerat pillugu maannamut uuttortaasoqarsimangimat, naliliinermi nunarsuup ilaani allami mingutsitsiviusumi, silap pissusaa pissut-sillu Avanersuarmit allaasuteqaraluit, taakkunani misilittagarineqartut toqammavigineqarput. Nerisatigut qinngorernik ulorianartunik sunniivigineqarnermik naatsorsuutit pitsaanerulersinniarlugit, Avanersuarmi umimmaat nunamilu miluumasut allat neqaat misissuiffigineqartariaqarput. Qinngorernik ulorianartunik avatangisini nalinginnaasumik polonium 210-mik, qinngorernik ulorianartunik plutonium-imik mingutsitsinermiit annertuneroqisumik sunniisartumik misissugassat akoqarnerat, aamma misissuiffigisariaqarpoq.
- Plutonium-imik mingutsitsinikkut qinngorernik ulorianartunik Avanersuamiittut sunniivigineqarnerannik naliliineq, Risø DTU-p 2008 ilanngullugu misissuinerinik, ullumikkullu mingutsinneqarsimasumik atuinermut sanilliussinermik tunngaveqarpoq. Naliliinermi matumani tunngavigineqartut atuutsiinnarsinnaanerat qulakkeeniarlugu ukiut tallimaniit qulit qaangiunnerini nalimmassakkamik uuttortaanermi atugassamik maleduagassiorqartariaqarpoq.
- Avanersuarmi innuttaasut qinngorernik ulorianartunik sunniivigineqarnerisa naliliivignerat, Thule-mi toqqammavissatut najoqqutarisamiit annikinneralaarsuuvoq, taamaammat annertussutsimik nakkutilliinissaq eqqarsaatigalugu, mingutsitsiviusimasumi innuttaasut plutonium-imik qanoq annertutigisumik timaasa akoqarnerannik, Narsaarsummi 1989-imi najugaqarsimasut quuisa misissuivignerattut ittumik, uuttortaanissaq pisariaqanngilaq.
- Mingutsinneqarsimasup allatut atorneqarnissaa pilersaarutaalerpat, ass. illuliorfigalugu allatigulluunniit inoqarfissangorlugu sanaartorfiginiarneqalissappat, najugaqarnissamut allatigullu atuinissamut killilersuinissamik saliinissamilluunniit pisariaqartitsineq pilersaarutornermut ilanngullugu naliliivigeqqeqqaartariaqassaaq.
- Nunap ilaanik aalajangersimasunik allagarsiineq assersuinerlu illersornissamik pat-siseqannigitsoq SIS-ip Avanersuarmi inuit- allagartalersuisartussat assersuisartussallu ilanngullugit- qinngorernik sunniivigineqarnerisa ataatsimut katillugit naliliivignerannut sunniuteqassanngillat.
- Saliinissamut atatillugu plutonium teqqalatinneqalersinnaavoq taamaasinerani inuit saliisut innuttaasullu qinngorernik ulorianartunik sunniivigineqarsinnaanerat annertusitinneqassaaq. Taamaammat saliinissamik suliniuteqarneq aalajangiivigneqartinnagu aallartitsinnagulu, qinngorernut ulorianartunut illersornissamut iliuuseqarnikkut, tamakkiisumik isumannaallisaasoqqaassaaq

1 Misissuinermut tunuliaqutaasoq

Amerikkarmiut timmisartorsuat B-52 atomip nukinganik sakkussianik usilluni januarip 21-ani 1968 Kalaallit Nunaata Avannaata kitaani Pituffiup kitaanit 15 km-isut ungasissusilimmuit immap sikuanut nakkarpooq [Titartaganngorlugu takussutissiaq 1]. Timmisartorsuaq ikuallalerpoq atomillu nukinganik sakkussiat qaartartuisa sakkortuut qaarnerisigut qinngornernik ulorianartunik akullit siaruaanneqarput timmisartorsuullu orsussaanut ikummaassimasumut teqqaallutik. Inneq 850 meterit pallillugit qummut naaralaarpoq pujualu suli qutsinnerulluni. Takunnittut paassisutissiinerat Pituffimmiillu silasiornermi radarikkullu takusat naapertorlugit, ikuallannerup pujua kujammut- kujammut kangimullu ingerlaarsimassangatinneqarpoq. Ajutoornerup nalaani nunarsuup silaannartaata qullasisumi kissanneria patsisaalluni 830 meterit pallillugit unerisimavoq qutsinnerusumilu 2.200 meterit pallillugit qutsissusilimmi silaannaap kissassusaq unerisimaannarpooq. 1.000 meterinik qutsissusilimmi avannerpoq 3.500 merinillu qutsissusilimmi kitaanit anorlerluni. Qutsissutsini tamani anorip sukkassusaq meterimut 3 sekund-iuvoq. Kingorna naliliineq naapertorlugu pingooqqaatit annikitsut anorimit sumorujussuaq siammarsimanissaat uuttorneqarsinnaagunanggitsumillu annikitsunnguanngorlutik nunamut nakkarsimanissaat ilimagineqarpoq. Taamanikkut nunaqarfiusumi Narsaarsuup eqqaaniittumi timmisartorsuullu nakkarfianit 8 km-nik kujasinnerusumiittumi uuttorneqarsinnaasumik mingutsitsisoqarsimasaanissa naatsorsuutigineqarsinnaavoq. Ajutoorfimmit mingutsinneqarsimaqisumit januaarip 24-ani 29-anilu anorersuarnerani qinngornernik ulorianartunik kitaanut qeqertap Saunders Ø [1] tungaanut siaruaattoqarsimasaanera naatsorsuutigineqarsinnaavortaaq.

Titartaganngorlugu takussutissiaq 1.



Avanersuarmi nunap assinga ajutoorfik ullorissamik nalunaaqutsigaq, Kap Atholl-ip eqqaani piniajartarfik, Grønnedal, Narsaarsuk, Saunders Ø, Wolstenholme Ø, Pituffik Moriusarlu.

Nunap mingutsinneqarnera ukiut ingerlanerini silamik sunniivigineqarnikkut ilaatigut siamarnerusimasinnaavoq. Mingutsitsinerup nikerarnerata annertunersaata ajutooriup eqqaaniinnissaa naatsorsutigisariaqarpoq, silallu pissusaanut, aputip aanneranut tamatumalu nassatarisaanik pinngooqaatit qinngorernik ulorianartunik akullit, aputip aanneranut akuliullutik ingerlanneqarnerannut, attuumassuteqarluni.

Plutonium-ip avatangiisinut siaruaannera ajutoornerup kingorna sapaatip akunnerini tulliuttuni apummik misissugassamik katersuilluni misissueqqissaarnikkut paasiniaavagineqarpoq. Nunap immikkoortui marluk mingutsitsiviusimasut paasineqarpoq – ataaseq ajutoorfimmii kujasinnerusumiitoq aappaa kitaa tungaaniittoq ikuallannerup arsaanit silaannarmi nuianggullutik nakkaasuneersoq kiisalu timmisartorsuup nakkarfiata nalaanit teqqalaqqittuneersoq. Bylot –ip ikerasaata kujataani sineriak aqqusarlugu plutonium-imik mingutsitsineq, Narsaarsup eqqaani annertunerpaajulluni m2-imut 9 kBq pallillugu annertussusilik uuttorneqarpoq [1]. 1968-imi aasakkut kingusinnerusukkullu qallunaat amerikkarmiullu immikkut ilisimasalittaat uuttortaapput ilaatigullu avatangiisini kingorna Qallunaat Nunaanni misissugassanik katersillutik. Issuatsiaami 1968-imi aasakkut Narsaarsummi[2] katersami plutonium annertunerpa-aq kiilumut 1,6 kBq uuttorneqarpoq.

Risø DTU'p suliniutaanut Thule-2003-imut atatillugu Thule-p eqqaani avatangiisit plutonium-eqarnerannik misissuinermi[3] immami misissuinermut tapiliullugu Narsaarsuup eqqaani sumiiffinni arfineq pingasuni issumik piaalluni misissuisoqarpoq. Sumiiffinni pineqartuni tamani issoq qalleq plutonium-imik 1968-imi timmisartorsuup nakkerneranit pisumik assigiinngiaartumik annertussusilimmik akoqarpoq. Plutonium-ip agguataarsimanera assigiinngiaaqaaq pinngooqqaatinullu mikisuaqqanut akuulluni. Suliniummi Thule-2003-mi qinngorernik ulorianartunik nunamik mingutsitsinerup navianassusaanik naliliinnginnermi, uuttortaaqqinnissap misissueqqin-nissallu pisariaqarnerat paasinarsivoq.

2006-imi aasakkut aallarnisaalluni misissuinerit naammassereersut Risø DTU-mi qinngorernik ulorianartunik ilisimatusarfik, Sundhedsstyrelse, naalagaaffiullu qinngornernut ulorianartunut illersornissamut ilisimatusarfia Statens Institut for Strålebeskyttelse (SIS) uuttortaaqqinnissaq misissueqqinnissarlu siunertalarugit 2007-imi suliniutissamik siunnersuusiorput[4]. Inuit qinngorernik ulorianartunik akulin-nik najuussuinikkut mingutsitaasimasumiinnikkullu navianartorsiorsinnaanerannik naliliinssamut tunngavissarsinissaq, suliniuteqarniarnermi siunertaavoq. Kalaallit Nunaanni Ilaqutariinnermut Peqqissutsimullu Naalakkersuisoqarfiup Qallunaat Nunaannilu nunamut namminermut – Peqqissutsimullu ministereqarfiup suleqatigiis-sitaata kissaataa naapertorlugu 2008-mi nunarsuaq tamakkerlugu atuutumik suliniut-tissatut siunnersuutip iliuusissanut tunngasortaa pillugu, Nunarsuaq tamakkerlugu atomip nukingata siunertanut pitsaasunut atorneqarnissaanut sullissivik det Internationale Atomenergiagentur (IAEA) naliliisinneqarpoq. Nunarsuaq tamakker-lugu immikkut ilisimasallit inerniliinerat naapertorlugu suliniut aaqqissuulluagaavoq, iluatsilluartumillu anguniagassatut siunniussat angullugit naammassineqarsinnaallu-ni[5].

Suliniut Thule 2007- uuttortaaasunik misissuisunillu Avanersuarmut 2007-imi 2008-ilu aasakkut ilisimasassarsiortitsinikkut naammassineqarpoq. uuttortaanerpassuarni paasi-sat Risø DTU –mit *Thule-2007 – Investigation of radioactive pollution on land* [6] taagusikkamik nunap iluani qalerisaanik misissuinerit ilanngullugit nalunaarusiari-neqarput [7]. Nalunaarusiaq una uuttortaanerit misissuinerillu tunngavigalugit inuit qinngorernik ulorianartunik akulinnik najuussuinikkut, misissuiviusumiinnerminni-

lu ulorianartorsiorsinnaanerannik naliliinermik imaqarpoq. Nalunaarusiat taakku marluk ataatsikkut atuarneqartariaqarput Suliniut Thule 2007- imullu tamakkiisumik nalunaarsiaallutik.

2 Qinngorernut ulorianartunut illersornissamut tunngaviit aalajangiinermilu toqqammaviit

2.1 Qinngorernut ulorianartunut illersornissamut kommission-ip (ICRP) innersuussutai

Qinngorernik ulorianartunik sunniivigineqarneq qinngornerit annertussusaat qanorlu pisoqarneragut sunniivigineqarneq apeqquaallutik peqqissutsimut ajoqsiisinnaasoq ukiorpanni ilisimaneqarlunilu uppernarsineqarnikuovoq. Ajoqusernerit tassanngaannartunut kingusissunullu immikkoortinnejartarp. Ajoqusernerit tassanngaannartut, piffissami sivikitsumi ajoqusernernut ataasiakkaanut (ass. qinngorernik ulorianartunik patsiseqartumik uunikkut peqqigunnaarnermut) killiliussat qaangerlugit sunniivigineqarnikkut pilersarp. Kingusissukkut ajoqusernerit nunarsuaq tamakkerlugu qinngorernut ulorianartunut illersornissamut Kommission-ip (ICRP) innersuussutaa naapertorlugu, qinngorernut ulorianartunut illersornissaq siunertaralugu killiliisoqanngilaq, kingusissukkullu ajoquteqalersinnaaneq (ass. inuunerup ilaani kræfteqalerneq, kinguassat akornuserneqarnerat) qinngornerit ulorianartut annertusiartornerat ilutigalugu annertusiartortarluni.

ICRP 1928-imi pilersinneqarpoq ukiullu ingerlanerini innersuussutinik ilaatigut aala-jangiinermi toqqammavissanik qinngorernullu ulorianartunut illersornissamut killiliussanik suliaqarpoq. ICRP'p innersuussutai taamaasillutik nunat tamakkingajallutik qinngorernut ulorianartunut illersornissaq pillugu inatsisiliornerini toqqammaviupput. Europa-mi qinngorernut ulorianartunut illersornissaq pillugu ICRP'p innersuussutai EU-mi maleruagassiornermi- taamaasillutillu Europami naalagaaffinni inatsisiliornermi - toqqammaviupput. Qallunaat Nunaanni tunngaviusumik qinngorernut ulorianartunut illersornissamut toqqammaviit ICRP-p innersuussutaanik- Sundhedsstyrelse-llu qinngorernik ulorianartunik suniivigitinnermut killiliussaq pillugu nalunaarutaani nr. 823 oktoberip 31-ani 1997-imeersumiittumik tunngaveqarput.

ICRP-mit tunngaviusumik innersuussutit kingulliit ICRP-p naqitertaani 103-mi 2007-imeersumi atuutsinneqarput [8]. Tamatuma kingunerisaanik EU-p qinngorernut ulorianartunut illersornissamut maleruagassiaata, EU p aaqqissuussaanerata iluani nutarterneqarnera aallartippoq, sulilu naammassineqarani. ICRP-p naqitertaani 103-mi innersuussutit siuliani naqitami 60-imi tunngaviusumik innersuussutinut 1990-imeersunut sanilliullugit, pingaarutilimmik allannguuteqanngillat.

Allannguuteqanngitsunut assersutissanullu ilaapput qinngornerit ulorianartut peqqisutsimut sunniutaannik naliliineq killiliussassatullu innersuussutit. ICRP-lli qanoq isilluni sunniivigineqarsimaneq tunngavigalugu immikkoortiterineq innersuussutini nutaani siunnersuutigaa. Taama immikkoortiterineq- tassungalu atatillugu ICRP-p innersuussutai nassuiarneqassapput, SIS-llu Avanersuarmi nunap qinngorernik ulorianartunik mingutsinneqarsimancerata naliliivigineranut nalunaarusiamilu matumani innersuussutinut- tunngavagineqarpoq.

Qinngorernut ulorianartunut illersornissamut aaqqissuussineq sunniivigineqarsinnaa- nernut assigiinngiaaqisunut pingasunik immikkoortulinnut ICRP-p innersuussutigaa:

- *Pileraarutaasumik sunniivigineqarneq*: Inuaqatigiinni sullissinermut atatillugu (sulif- feqarfimmi) qinngorernik ulorianartunik akulinnik- qinngorernilluniit ulorianar- tunik -sunniivigineqarneq.
- *Ajutoornikkut sunniivigineqarneq*: pileraarutaareersunik suliaqarnermi ilimaginngisa- mik pisoqarnera imal. ajortumeerneqarneq erngerluni naliliivigisarialik pisari- aqarpallu illersuutaasinnaasunik iliuuseqarfiusussaq.
- *Sunniivigineqareersimaneq*: nakkutilliinermut atatillugu iliuuseqarnissamik aalajangi- isoqassappat naliliinissami pisariaqarpallu aalajangiinissami pisusiooreersut.

Pileraarutaasumik sunniivigineqarneq siusinnerusukkut *periutsimik* taaneqartumi pine- quartut ilaatigut tassaapput nakorsaanermi, suliffissaqarnermi ilisimatusarnermilu qinngorernik ulorianartunik atuineq (qinngorernik ulorianartunik akullit, qinnguartaatit, atomi atorlugu nukissiorfiit). Ajutoornikkut sunniivigineqarneq tassaavoq qinngorernik ulorianartulinnik atortoqarluni sulinermi ajutoornerit ajortumeerinerillu (ajortu- meerinerit/pinerlunnerillu). Sunniivigineqareersimaneq tassaavoq qinngorernik pinn- gortitami pioreersunik annertuvallaamik sunniivigineqarneq (inigisani radon-imik-, illiutornermi atortuni qinngorernik ulorianartunik sunniivigineqarnikkut), siusinne- rusukkut qinngorernik ulorianartunik nakkutigisaangitsumik atuinikkut mingutsita- asimasuniinneq ajutoornerulluunniit kingorna tassanngaannaq sunniivigineqarnerup qaangiutereernerani sunniivigineqarneq. Ajutoornikkut- pioreersumillu sunniivigine- qarneq ataatsimoortillugit *akuliunnergik* taaguuteqarsimagaluarpuit.

Siulianisut ICRP-p qinngorernut ulorianartunut illersornissamut toqqammavissat pingasut innersuussutigai: Toqqammavissat *pisinnaatitaaffeqarneq pitsangorsaanelu* sunniivigineqarsinnaanernut tamanut atuupput. Sunniivigineqarnermik *annikillisaaneq* pileraarutaasumik sunniivigitinnermut taamaallaat atuuppoq. Toqqammaviit pineqar- tut tassaapput:

- *Pisinnaatitaaffeqarneq*: aalajangiineq sunaluunniit qinngorernik ulorianartunik sun- niivigineqarnermik allannguisoq ajoqsiinani iluaqsiissaqaq.
- *Illersornissamik pitsangorsaaneq*: Inuit ataasiakkaat qinngorernik ulorianartunik sunniivigineqarnerat, sunniivigineqartut amerlassusaat sunniivigineqarsinnaanerlu, aningasaqarnikkut inuaqatigiinnilu pissutsit eqqarsaatigalugit, sapinngisamik anni- kinnepaamiitinneqassaaq.
- *Sunniivigineqarnermik annikillisaaneq*: inuit ataasiakkaat nakkutigisamik qinngor- nerk ulorianartunik sunniivigineqarnerat ataatsimut katillugu –pileraarutaasumik sunniivigineqarnermi (napparsimasut nakorsartinnerannut atatillugu sunniivigine- qarnerat eqqaassanngikkaanni) ICRP-p killissatut innersuussutai qaangerneqassan- ngillat. Pissutsit nalinginnaasut atuunnerini inuit ulorianartorsiortinneqannginnis- saat killiliinikkut qulakkeerneqassaaq.

ICRP-p qinngorernik ulorianartunik sunniivigineqarnermut killissatut innersuussutai, maannamut EU-mi qinngorernut ulorianartunut illersornissamut maleruagassiaq Sundhedsstyrelse-llu nalunaarusiaa naapertorlugit killigitinneqartut assingi, paasiuni- narsarlugit tabeli-mi 1-imi takutinnejqarput.

Pileraarutaasumik sunniivigineqarnermit allaassuteqartumik, ajutoornikkut sunniivigi- neqarnermi sunniivigineqareernermiluunniit illersornissamut tunngatillugu iliuuseqar- niarnermi, qinngorernik ulorianartunik, aallaqqammut nammineq sunniuteqarfigisi- manngisanik unammilligassinneqarfiuvoq. Killiliussassatut aalajangersakkat taamaat- toqartillugu atorsinnaanngimmata, ajornartorsiut anigorluarumallugu, taakkununga

taarsiullugit toqqammavissatut killiliussat atorneqartarput. Qanoq isilluni sunniivigine-qarnernut tamanut kikkunnulu tamanut, annertussutsinut toqqammavissatut atorsin-naasoq, oqartussaasut illuatungiliuttullu isumaat qanorlu pisoqarneragut sunniivigine-qarsimaneq apeqquaatillugit, killiliussat qaangerneqarsinnaanngitsut aalajangersarne-qartarput. Ajornartorsiummik qaangiinarneq nalinginnaasumik aalajangersimasumik ineriaartuaartitassaavoq, qinngorernut ulorianartunut illersuutissat misissorlugit, pisari-aqarpallu tulleriaarlugit iliuuseqarfereernerisa kingorna, toqqammavissatut killilius-saq ataallugu killiliussamut inissinneqassaaq.

Tabeli 1. Pilersarutaasumik qinngorernik ulorianartunik sunniivigineqarnermut killiliussat.

Inuit immikkoortiterneqarnerat	Sunniivigineqarnerup ulorianataanut killiliussaq ¹ , ukiumut/mSv
Sulisoq (18-ileereersimasoq)	20
Innutaasut ataasiakaat	1

ICRP'p naalagaaffinni ataasiakkaani sunniivigineqareersimanermi naatsorsuisarnissamik innersuussinermini, toqqammavissanik aalajangiisarnissat akuttussusissaat oqaatigaa. ICRP'p innersuussustaa, Tabelimi 2-mi takutinneqartoq, nalinginnaasumik- inigisanilu radon-eqarneranut, illersorniarnikkut nunani arlalissuarni ajornartorsiutaaqisumut, innersuussutaalluni. Mingutsinnejarsimasi najugalinnut ukiumut 1 - 20 mSv- p iluani killiliinerup, siunissami appasinermi inissisimanissaa, ICRP-p ilanngullugu innersuussutigaa.

Tabeli 2. ICRP'p naalagaaffinni ataasiakkaani sunniivigineqareersimanermi toqqammavissanik aalajangiisarnissat akuttussusissaannut innersuussustaa.

Sunniivigineqareersimaneq	Toqqammavissaq, ukiumut/mSv
Nalinginnaasumik	1 - 20
Inigisani suliffinnilu Radon-eqarnera	≤ 10

2.2 Thule-mi ajutoornermut tunngatillugu naliliinermi toqqammavik

Assigiinngitsutigut sunniivigineqareersimanerni arlalinni qinngorernik sunniivigine-qarneq ima annertutigisinhaavoq, illersuiniarluni iliuuseqartoqartariaqarluni taama-asiornissamilluunniit eqqarsartoqartariaqarluni. Sunniivigineqareersimanerit arlalinnik patsiseqarsinnaagamik ajornakusoortuusinnaapput ukiumiillu ukiumut sunniutaat ass. ileqqut apeqquaallutik assigiinngiaarsinnaallutik. Inigisani radon-eqarpallaanera tamatumunnga assersuutissaavoq. Illersornissaq siunertalarugu inuit pilersitaannik sunniivigineqarnerni, ass. killilersugaanngitsumik qinngornilinnik atortoqarsimanerup kingorna, imal. ajutoornikkut avatangiisini mingutsitsinermi, iliuuseqartoqarnissaanik aala-jangiisoqartariaqarsinnaavoq. Sunniivigineqareersimanerilli ilaatigut killilersuiffigisaria-aruttarput.

Sunniivigineqareersimanerit arlaat nakkutigisariaallutillu illersornissakkut iliuuseqarfisiarisallit pillugit aalajangiisoqarnissaa, oqartusaasut naliliinerannik isummernerannillu tunngaveqassaaq, tamatumanilu nakkutigineqarsinnaanera qanoq isilluni sunniivigine-qarneq (mingutsitsineq og mingutsitsisorlu), aningaasaqarneq kiisalu inuiaqatigiinnut kulturimullu tunngasut aalajangiisuussapput. Sunniivigineqareersimanerit amerlanersa-

1 Qinngorernik sunniivigineqarnerup ulorianataata annertussusa, ulorianataanut tamakiisumut uuttuutaavoq, illersornissaq pillugu ulorianataanut naatsorsuinermi qinngornilinnillu assigingitsutit assersuussinermi, timip tamarmiisup qinngorernik sunniivigineqarneranerit assersuutit naatsorsuinermi atorneqartarpooq. Qinngorernik sunniivigineqarnerup ulorianataata annertussusaanik naatsorsineq, qinngorernut ulorianartunut killissaritaasut Sundhedsstyrelse-p nalunaarsiaana nr. 823-mi oktoberip 3-ani 1997-imeersumi ilann-gussamik 3-mi nassuar-neqarpoq. Nalunaarsiaiap matuma sinnerani qinngorernik sunniivigineqarnerup ulorianataata annertussusa sunniisinaas-susaanik isumaqartil-lugu atorneqassaaq.


anni, pineqartunit oqartussaasunillu sunniivigineqarnerup "nalinginnaasumut" pal-
lingajalluguunniit appartinnissaa kissataassaaq.

1968-imi Thule-mi ajutoornikkut mingutsitsineq sunniivigineqareersimanertut isigine-
qassasoq, naalagaaffiup qinngorernut ulorianartunut illersornissamut ilisimatusarfia
(SIS) nalilerpaa, qulaanilu taaneqartut ICRP'p innersuussutaasa Avanersuarmi qinngor-
ernik ulorianartunik uuttortaanissami, naliliinermut pisariaqarpallu iliuuseqarnermut
tunngavissatut atorneqarsinnaapput. Tamanna tunngavigalugu SIS-p nalunaarusiam
matumani misissueqqissaarnermi naliliinermilu Thule-mut tunngatillugu toqqamma-
vissaq ukiumut 1 mSv atorniarppaa. Qingorernik ulorianartunik ukiumut 1 mSv-mik
sunniivigineqarneq inummut ulorianateqanngilaq.

Toqqammavissatut toqqakkap annertussusaa ukiumut 1 mSv qallunaap qinngornilinnit
tamanit ukiumut sunniivigineqartarneranut 4 mSv-mut assersuunneqarsinnaavoq
[Titartaganngorlugu takussutissiaq 2]. Tamatuma sisamararterutaa inunniq pilersinne-
qartuneersuuvoq annerpaartaalu napparsimasut nappaataasa suussusersiniarneranneer-
suulluni. Sisamararterutai pingasut qinngorernit nalinginnaasuneersuupput- silaan-
narsuarmeerlutik, issumeersuullutik, sanaartornermi atortuneersuullutik, inuussutissa-
neersuullutik kiisalu inigisami radon-imit agguaqatigiissillugu qinngornerit affaannik
sunniiviusumeersuullutik. Agguaqatigiissillugu radon-ip qinngornerinik- nappaatinillu
suussusersiniarnermi atortutigut sunniivigineqarneq, inunni ataasiakkaani, ineqarnik-
kut peqqissutsikkullu pissutsit apeqqutaallutik, annertuumik assigiinngissuteqarnera
erseqqissaatigineqassaaq. Immikkoortut allat innuttaasunut tamanut assigiliaarput.
takussutissiaq qallunaanut tunngatitaammat taamaattorli Kalaallit Nunaanni inigisani
radon-eqarneranik uuttortaanerit naapertorlugit [9], Kalaallit Nunaanni pissutsinut
takussutissatut naapertuuttoq, ilanngullugu oqaatigisariaqarpoq.

Titartaganngorlugu takussutissiaq 2.

Agguaqatigiissillugu ukiumut inuup ataatsip sunniivigineqartarnera



Agguaqatigiissitsinikkut ukiumut qallunaap qinngorernik nalinginnaasunik inunnillu pilersitaasunik sunniivigine-
qartarnera.

Thule-mi ajutoornermut atatillugu uuttortaanermi toqqammavissatut killiliussaq Qallunaat Nunaanni atuuttunut aamma assersuunneqarsinnaavoq. SIS arlaleriarluni, nunani avannarlerni qinngorernut ulorianartunut illersornissamut tunngatillugu oqartussaasut peqatigalugit, inigisani radon-ip annertussusissaanut killiliussassamik kingulermik 2009-mi innersuussuteqarpoq[10]. Radon-pillugu innersuussutit pingaarnertut inissialiornermi oqartussanut, Qallunaat Nunaanni Erhvervs-og Byggestyrelse-mut tunngasuupput, innersuussutili radon pillugu innuttaasunik attaveqateqarnermi pingaruteqarsimapputaaq. Tabelimi 3-mi toqqammavissat radon-ip annertussusaaniit qinngornerisa annertussusaannut allanngortinneqarput Thule-mi-lu killiliussamut ilanngulgugit takutinnejarlutik.

Tabeli 3. SIS'p sunniivigineqareersimanerni toqqammavissatut innersuussutai.

Sunniivigineqareersimananeq	Toqqammavissaq, ukiumut/mSv
Thule-mi ajutoornerup kingunerisaanik mingutsitsineq	1
Inigisani radon-eqarnera	3 – 6

3 Qinngorernik ulorianartunik akullit, sunnertinnermut aqqutaasartut annertussutsimillu naatsorsuisarneq

3.1 Qinngornerit ulorianartut Thule-mi ajutoornermut attuumassuteqartut

Amerikkarmiut timmisartorsuat B-52 qaartartunik nakkaatisisartoq 1968-imi Thule-p eqqaanut nakkartoq, atomip nukinganik sakkussianik qinngorernik ulorianartunik akulinnik sisamanik useqarpooq, taakkulu timmisartorsuup nakkarerani siaruaanneqarput. Sakkussiat taakku qinngorernik ulorianartunik akullit sumorpiaq atorneqarnerat annertussusaallu pivallaarnagit, Tabelimi 4-mi takutinneqartut akuisa pingaarnersaraat. Qinngorernik ulorianartunik akullit sakkussiat atorsinnaanissaannut pisariallit tassa-apput plutonium-239, uran-235, uran-238 kiisalu tritium (H-3). Uran-234, plutonium-240 plutonium-241-lu tassapput qinngorernik ulorianartunik akullit kissaatiginn-gisamik akuliuttartut imal. sakkusiornermi uran-imik plutonium-imilluunniit sanaartornermi pinngortartut. Uuttortaariaatsimik Risø DTU-p atugaanik plutonium-240 plutonium 239-mit avissaartinneqarsinnaangimmat, plutonium 239-imut ilanngulugu nalunnaarutigalugulu naliliivigineqartarpoq.

Plutonium-241 nungujartornermini americum 241-nngortarpoq tamatumalu annertusiartortarneranut patsisaalluni. Taamaattoqarneragut plutonium-ip qinngornerinik ulorianartunik mingutsitsineq americum 241-mit qinngornerit sakkukitsut (gamma) uuttortarnerisigut misissuivigineqarsinnaavoq, DTU Risø takuuk [6].

Tabeli 4. Thule-mi ajutoornerup qinngorneri ulorianartut.

Qinngorernik ulorianartunik akullit	Taaguutaat naalisakkat	Affaannann- gornissaannut	Qinngornerit		
			Alfa	Beta	Gamma
Tritium	H-3	Ukiut 12-it		✓	
Uran-234	U-234	Ukiut 0,25 million-it	✓		
Uran-235	U-235	Ukiut 0,70 milliard-it	✓		
Uran-238	U-238	Ukiut 4,5 milliard-it	✓		
Plutonium-239	Pu-239	Ukiut 24.000-it	✓		
Plutonium-240	Pu-240	Ukiut 6.600-it	✓		
Plutonium-241	Pu-241	Ukiut 14-it		✓	
Americium-241	Am-241	Ukiut 430-it	✓		✓

3.2 Sunniivigineqarnermut aqqutaasut

Qinngorernik ulorianartunik akullit qinngornerit aniatitaasa sunniutaat assigiinngitsunut marlunnut immikkoortinneqartarput:

- *Avataaniit qinngorernik sunniivigineqarneq*, qinngorernik ulorianartunik akullit avataaniit- ammikkulluunniit timimut sunniuttut.
- *Ilumiit qinngorernik sunniivigineqarneq*, qinngorernik ulorianartunik akullit timimut appakaallutik sunniuttut.

Qinngornerit suunerat qanorlu annertutiginerat avataaniit qinngornernik sunniivigineqarnerup ilisarnaatigaa. Qinngornerit Alfa-nik taaguutillit angusinnaasaat anniktsuunavaoq (silaannami cm-inngorlugu, timip ipiutaasartaani µm-inngorlugu) ass. ammip sananeqaataasa amiakkui ammip qaaniittut pitarsinnaanagit. Taamaammat qinngornerit taakku avataanit sunniivigineqarnermi peqqissutsimut sunniuteqanngillat.

Qinngornerit Beta-nik taaguutillit sunniivigisartagaat tamatigungajak angusinnaasaat avasinneruvoq (silaannarmi meter-inngorlugu, timip ipiutaasartaani cm-inngorlugu) ameq timillu ipiutaasartai qallit qinngornernik sunnersinnaallugit.

Qinngornerit Gamma-nik taaguutillit sakkortussusaat apeqquaalluni akimut pitarullutik ilumi timip pisatai tamaasa avataaniit qinngornernik ulorianartunik sunnersinnaavaat. Taama meter-inik arlalinnik sinnerlugilluunniit ungasissusilimiit sunniivigineqarsinnaaneq, qinngornerit ulorianartut ulorianatalinnut allanut sanilliullutik immikkoorutigaat- Thule-milli pisumut pingaaruteqaratik / attuumassuteqaratik. Taamaattorli toqqaannartumik qinngornernik sunniivigineqarnerup annertussusaanik uuttortaanisamut suuneranillu paasiniaanissamut assigiinngitsorpaalussuarnik periarfissiivoq.

Tabelimi 4-mi qinngornerit ulorianartut Thule-mi ajutoornermut attuumassutillit takutinneqarput. Americium-241, plutonium-241 tritium-ilu eqqaassanngikkaanni, qinngornernik ulorianartunik akullit tamarmik qinngornernik alfa-nik taamaallaat qinngorneqarput. Americium-241 siuliani taaneqartutut tamatuma saniatigut qinngornernik gamma-nik sakkukitsunik qinngorneqarpoq tritium-ilu qinngornernik beta-nik sakkukitsunik qinngorneqarluni. Qinngornernik ulorianartunik akullit taakku pingasut tamarmik avataaniit qinngornernik sunniivigineqarnikkut sunniuteqangaarsinnaangilat, taamaammat Thule-mi mingutsitsinermik naliliinermi, qinngornernik ulorianartunik akulinnut tamanut, avataaniit qinngornernik sunniivigineqarneq naatsorsuutigineqartariaqanngilaq. 1968-imi sikumi saliisoqarnerani avataaniit qinngornernik sunniivigineqarnermut illersuutaasinaasunik iliuuseqartoqarani, qinngornerit ulorianartut timimut appakaassinaasuinaat ukkanneqarneri, taamaattoqarneranut takussutissaavortaaq [1].

Ilumiit qinngornernik ulorianartunik akulinnik sunniivigineqarneq pinngoqaatinik uumaatsunik akullit timimut appakaannermikkut, ilumiit aallaaveqartumik peqqissut-simut ajoqsiisinnanerannut assersunneqarsinnaavoq. Qinngornerit ulorianartut (pinngoqaatinillu uumaatsunik akullit) timimut appakaassinaaneri assigiinngitsutigut pingasuuusutigut pisinnaavoq:

- Najuussuinikkut (silaannaq mingutsinnejqarsimasoq).
- Nerinikkut (nerisatigut mingutsinnejqarsimasutig assaallu mingutsinnejqarsimasut qanermut attuunneqarnerisigut).
- Kilerneqarnikkut/kimillanneqarnikkut (ammip mingutsinnejqarsimaneratigut).

Avataaniit qinngornernik sunniivigineqarnerup akerlianik qinngornernik alfanik ilumiit sunniivigineqarnermi, qinngornerit ulorianartut timip ipiutaasartaanut pisataanullu appakaannermikkut, qinngornerit alfat sakkortuut aallarnikitsut timip sananeqaataanik qaninnernik toqqaannartumik eququisinnaanerat annertuumik sunniuteqarpoq. Qinngornernik alfanik aniatitsisut timimut pigaangamik, arrortikkuminaatsuunertik pissutigalugu, tamatigungajak timip sananeqaataanik pisataanillu ukiorpassuarni sunnisarnerat, ilanngullugu oqaatigineqassaaq.

Qinngornerit ulorianartut tabelimi 4-mi pineqartut- sunniivigineqarsinnaanerit taaneqartut ilaat arlallilluunniit aqqtigalugit- timimut appakaassimagunik, ilumiit sunniisinn-

naapput. Thule-mi pisumut tunngatillugu plutonium-239, plutonium-240 kiisalu americium-241, qinngorernik qanoq annertutigisunik sunniivigineqarnerup tamatumalu ulorianataata ataatsimut naliliiviginerani aalajangiisuupput. Taamaammat qinngorernik ulorianartunik akullit taakku nalunaarusiami matumani ilanngunneqarput. Uran-235-ip uran-238-illu qinngornerisa ulorianatillit affaannangornissaasa sivisoorujussunera pissutigalugu, qinngorneri annikitsuinnaapput. Taamaammat Thule-mi mingutsinnejarsimasumi uranip qinngorneri plutonium-ip qinngornerinut sanilliulligit sunniuteqanngillat, Avanersuarmilu uranimut pinngortitap nammineq akugisaanut sunniuteqaratik. Tritium brint-imik sananeqaateqartoq 1968-imi timmisartorsuup nakkarnerani ikuallanneranilu imermut sikumullu akuliunnermigut, 1968-ip kingorna aasakkut avatangiisnit akuliunnermigut suujunnaajusavissimassaqq. Tritium pinngortitami namminermi avataarsuanit qinngorernit atomillu nukinganik qaartartulianik misileraalluni qaartsisarnernit pioreerpoq.

3.3 Qinngorernik ulorianartunik sunniivigineqarnerup annertussusaanik uuttuinermi periutsit

3.3.1 Najuussuineq

Thule-mi mingutsinnejarsimasumi qinngorernik ulorianartunik teqqalasunik najuussuinikkut (pinngooqqaatit qinngorernik ulorianartunik akullit), sunniivigineqarneq naliliivigissagaanni, pissutsit mingutsitsinermut mingutsinnejarsimasumillu atuinermut tunngasut assigiinngitsut ilisimasaqarfigisariaqarput. Pissutsit taakku periutsit akuerisasut taakkuluunniit akuleriissillugit- sumiiffimmilu pissutsinik ilisimasat sanilliullugit- uuttortaanerit tunngavigalugit aalajangiivagalugillunniit naliliivigineqarsinnaapput.

Makku immikkut eqqartorneqassapput:

- Qinngornerit ulorianartut teqqalasut
- Qinngornerit ulorianartut taakkulu timimut appakaattarneri
- Thule-mi pinngooqqaatit qinngorernik ulorianartunik akullit
- Mingutsitaasimasumiinneq
- Annertussutsinik naatsorsuineq

Qinngornerit ulorianartut teqqalaqqittut

Pujoralak qinngorernik ulorianartunik akulik nuna qaasungarlugu ingerlappat pinnegoqqaatit qinngorernik ulorianartunik akullit nunap aqqusaakkap qanoq isikkoqarnera pissuseqarneralu-, silasiornikkut pissutsit kiisalu pinngooqqaatit qinngorernik ulorianartunik akullit sunniisinnaanerat, pingartumik pinngooqqaatit angissutsimikkut agguataarsimanerat apeqquataalluni, nunap qaanut toraassapput. Pujoralak unippat silaannarmilu qinngorernik ulorianartueruppat, kingorna nunap qaanit mingutsinnejarsimasumiit teqqalateqqinnejartunik silaannaq mingutinneqaqqissinnaavoq.

Mingutsinnejarsimasumiit teqqalasunit mingutsinnejarsinnaanermut tamatumalu annertussusaanut nunap isikkua pissusaalu-, silap pissusaa-, silasiornikkut pissutsit, pinngooqqaatit qinngorernik ulorianartunik akullit sunniisinnaassusaat nunallu qaansi siaruarsimanerat apequataapput. Tassaapput pissutsit paassiumaatsut imminnut ataqtigijit sumiiffimmilu pissutsit qanoq innerinik- sumullu atorneqarnerinik tamatigut apeqqusiisartoq. Mingutsinnejarsimasumiit teqqalaqqittut aallaqqaaammut annertuneroriarlutik, ukiut marluk siullit ingerlanerini mingutsitsineq nunap qaani issumut akuliuppat kivippalluunniit, taamaasillunilu taama annertutigisumik teqqalasinnaajunnaarnikkut, annikillerujussuartarnera nalinginnaasuuvvoq. Ukiut qulit sinnerlugit qaangiunnerini qinngorernik ulorianartunik akullit uninngasut teqqalaqqittarnerat annikilliallangaatsiartarpooq.

Teqqalaqittunik annertussusiliiniarnermi uuttuut imal. pujoralap annertussusaanik uuttuut [11] atorneqartarpooq. Periaatsimi siullermi, teqqalaqittut (RF) silaannarmi pinngooqaatit qinngorernik ulorianartunik akullit silaannarmiittut C_L , m^3 –mut Bq–mut uuttukkat nunamiittullu C_O , m^2 –mut Bq–mut uuttukkat akuleriinnerattut nas-suiarneqarput. Taamaasillugit silaannarmi qinngornerit ulorianartut annertussusaat, nunap qaani mingutsinerup annertussusaa teqqalatitseqqitorlu ilisimagaanni, najoqqutassaq una naapertorlugu ima missingersorneqarsinnaapput:

$$C_L = RF \cdot C_O$$

F-ip uuttuuttaa m^{-1} -iuvoq. Teqqalatitseqqinermi najoqqutassat piffissalertariallit arallit mingutsitseqqaarnerup kingorna ass. Pamorales-imi ajutoornerup, - atomip nukinganik sakkussianik qaartitsilluni misileraanerup Tjernobyl-imilu ajutoornerup kingorna (takuuk imm. 5.1), nunami silaannarmilu qinngorernut ilanngullugit uut-tortakkanut asserssuussat saqummiunneqarnikuupput. Uninngareernerup kingorna teqqalateqqitat 10^{-5} – imiit 10^{-6} m^{-1} , -imiikkajunnerusarput, ukiullu qulit sinnerlugit qaangiunneranni 10^{-9} – imiit 10^{-10} m^{-1} –mut pisarlutik annikinnerulersarlutilluunniit. Teqqalateqqitanut uuttuut 10^{-9} m^{-1} assersutigigaanni nunap qaani mingutsinerup annertussusaa m^2 –mut 1.000 Bq-iuppat, silaannarmi mingutsinsineq agguaqatigiissillugu m^3 –mut 10^{-6} Bq-iussaaq (m^3 -mut 1 μBq).

Pujoralap annertussusaa naapertorlugu uuttuisarnermi, pinngooqaatit qinngorernik ulorianartunik akullit issup akuinut kattusimapput, taakkulu anorimit teqqalatinneqar-lutik silaannarmik pujoralatsitsisarneq malittarisaraat naatsorsuutigineqarpoq. Pujoralammi silaannarmiittumi pinngooqaatit qinngorernik ulorianartunik akullit nunamiittunut sanilliullugit annertussusiisumik nassuiarneqarsinnaasumik annertu-sisineqarsinnaanerat ilisimaneqarpoq. Sumiiffimmi nalinginnaasumik pujoralatsitsineq m^3 -mut $SB \mu\text{g}$ -inngorlugu ilisimaneqarpat, qinngornerillu ulorianartut nunami qalli-usut C_J –inngorlugin sakkortussusaat kiilumut Bq–mut uittorneqarpat, silaannarmi equ-terussimasup annertussusaa najoqqutassaq una naapertorlugu ima missingersuusiorne-qarsinnaavoq:

$$C_L = kf \cdot SB \cdot C_J \cdot 10^{-9}$$

kf tassaalluni annertusisitsisoq nammineq annertussusiligaanngitsoq. Nunaannarmi pujoralat anertussusaat m^3 -mut 5 -ip $50 \mu\text{g}$ -llu akornaniikkajuppoq. Nunani issittuni silaannarmi mingueqisumi annertussusiisoq suli annikinnerusinnaavoq. Pujoralatsitsineq ass. m^3 -mut $10 \mu\text{g}$ -iuppat annertussusiisorlu 5-iuppat issup qalliup kiilumut 20 Bq-mik mingutsinnejnarera agguaqatigiissillugu silaannarmi m^3 -mut 10^{-6} Bq-iunissa (m^3 -mut 1 μBq -unissa) naatsorsuutigineqarsinnaavoq.

Taaneqareersutut teqqalasoqaqqittarneranut uuttuutit assigiinngitsut atornissaannut sumiiffinni pissutsit qanoq ittuunerini apeqqutaasarput, piffissallu ingerlanerani anner-tuumik allanngorarsinnaasarlutik. Teqqalasoqaqqittarnerani silaannarmi qinngorernik ulorianartunik akullit annertussusaannik missingersuinermi periutsit nalinginnaasut mianersuullugit atugassaapput, nalorninartortaalu eqqumaffigineqartariaqarlutik. Akerlianilli periaatsinik atuineq, silaannarmi mingutsinerup annertussusissaanik

nunamillu mingutsitsinerni allani pisunut kingunerisaanullu assersuussisinnaanissaq, annertussutsimik naliliinermi siullermi pissusissamisoorsinnaavoq.

Qinngornerit ulorianartut taakkulu timimut appakaattarnerat

Inuup mingutsinneqarsimasumiittup qinngornernik ulorianartunik qanoq annertutigisunik najuussuunikku sunniivigineqarsimaneranik naliliinermi, silaannarmi atomip sananeqaataasa nungujartortarnerat kisiat tunngavigissallugu naammanngilaq. Silaannarmi pinngoqqaatit qinngornernik ulorianartunik akullit qanoq pissuseqarnerat timillu sulinera- timimut appakaallutik sunniunnissaannut anianissaannullu qanoq annertutigisumik sunniivigineqarnissamut- annertuumik pingaaruteqarput. Ass. qinngornernik ulorianartunik akullit angissutsiminnut agguataarnerat inuullu anersaartornerata akulikissusaa, anersaartuutit sukutsitaanni qanorlu annertutigisumik qinngornernik ulorianartunik akullit, ilummuit anersaarnermi unerarnerannut pingaaruteqarput. Qinngornernik ulorianartunik akullit angissusaat naapertorlugit immikkooirtiterineq, immikkullarissumik qitermikkut silissusaannik avissaanganeranillu nalinginnaasumik nassuiarneqartarpooq². Silissuseq taanna pinngoqqaatit qinngornernik ulorianartunik akullit angissusaannik taaneqarajuppoq, taaguullu taanna matuma nanginneranitarneqassaaq.

Taamatuttaaq uumaatsutut allanngorarsinnaassusaat, qanoq sukkatsigisumik annertutigisumillu puanniit aammut qinersillu imerpalasortaanut akuliunnerat, qanorlu isillutik timip pisataanut ipiutaasartaanullu siaruaannerat- kingornalu timimit anianerat pingaaruteqarpoq. ICRP anersaartuutitigut sunniivigineqarnerup annertussusaata sukumiisumik naatsorsorneqarsinnaaneranut periutsimik [12] qinngornernillu ulorianartunik akullit timimi arriortortarnerat pillugu naatsorsueriaatsinik ineriaortortsisimavoq. Naatsorsueriaatsini periaatsit amerlaqisut assigiaartilernissaat najuussuinermilu annertussutsinut naatsorsuinermi toqqammavagineqartut aalajangersimasut (Sv/Bq-mut naatsorsuussat), qinngornernik ulorianartunik akulinnik 1 Bq-p nalinganik timimiit-toqalereerneragut ukiut 50-it (meeqqani ukiut 70-it) tulliuttut annertussusaalersimassamik takutitsisoq, ICRP-mit innersuussutigineqarportaaq. Puanniit najuussukkap timimut sunniunnissaanut apeqqutaasinnaasaqimmat, qinngornernik ulorianartunik akulinnut aalajangersimasunut pingasunut annertussutsimut toqqammavissanik, ICRP immikkut naatsorsuuisorpoq (uumaatsut imminnut akulerunnerat), sannaata suunera F-imik taallugu (fast/sukkasooq), M (medium /akunnattoq) kiisalu S (slow/kigaatsoq). Toqqammaviilli aalajangersimasut pisuni ataasiakkaani qinngornernik ulorianartunik akullit uumaatsutut allanngorarsinnaassusaat ilisimagaanni, immikkut ittunik taarserneqarpata iluaqtaanissaa ICRP-p erseqqissarpaa.


Thule-mi pinngoqqaatit qinngornernik ulorianartunik akullit

Thule-mi timmisartorsuup 1968-imi nakkernerani pinngoqqaatit qinngornernik ulorianartunik akullit pilersinneqarlutillu siaruaanneqartut, uumaatsutut allanngorarsinnaassusaat, kissarnermut annertoqisumut atomip nukinganik qaartartuliat sisamaasut orssasa nalinginnaasup qaartooreranit timmisartorsuullu orsussaata annertuumik ikumaneranik pilersinneqartumut attuumassuteqarluinnarput. Naatsorsuutigineqartutut plutonium assigiinngitsunik angissusilinnik pujoralannguuttunik qinngornernik ulorianartunik akoqartoq, timmisartorsuup nakkernerata kingorna misissuinerit takutippaat. Timmisartorsuup nakkarfiani apummi sikumilu pinngoqqaatit qinngornernik ulorianartunik akullit 5,6 μm -mik 2 μm -imillu angissusillit nassaarineqarput [Titartaganngorlugu takussutissiaq 3]. Narsaarsummi apummi pinngoqqaatit qinngornernik ulorianartunik akullit misissugassami annikippallaarmata angissusaat aalajangerneqarsinnaasimannngilaq, silasiornikkulli pissutsit tunngavigalugit 20 μm -iusimanissa naatsorsuutigineqarpoq [1].

2 Pinngoqqaatit qinngornernik ulorianartunik akullit qitermikkut silissusaat agguatagiisil-lugu logaritme atorlugu nalinginnaasumik agguataarsimassaa ilimagisarialik. Ilinniagagasuttsikkut oqaatsit atorneqartut naapertorlugit AMAD-mik taaneqartartoq (activity mean aerodynamic diameter).

Thule-mi pinngooqqaatit qinngornerik ulorianartunik akullit uumaatsutut sananeqataat paasiuminaatsuvoq, sananeqataasalu allanngorarsinnaassusaat pinngooqqaatini tamani immikkooruteqarsinnaalluni. Avatangiisini pinngooqqaatit qinngornerik ulorianartunik akullit, silap allanngorarneranit sunnerneqartarpuit ukiullu arlallit ingerlanerini nungujartorsinnaapput allanngorsinnaallutillu, ilaatigut plutonium-imik americanum-imillu pilersitsinnaallutik. 2010-mi Thule-mi pinngooqqaatit qinngornerik ulorianartunik akullit ilaat pillugit nunat avannariit misissuisitsineranni, qinngornerik ulorianartunik akullit arrortivinneqarsinnaangikkaluit imerpalaumi-puaalli imaruanni annikinnerusumik-arrortoqartartoq paasineqarpoq [13].

Assilianngorlugit takussutissiat 3.



A: Timmisartorsuup nakkarfiani sikumit aseqqukumit pinngooqqaatinit plutonium-imik akulinnit qinngornerit alfat isaannarmik takuneqarsinnaanngitsut assingi [1].

B: Thule-mi pinngooqqaatit qinngornerik ulorianartunik akullit imermi kuseriarnermi ataatsimi immikkoortitat marluk [12].

Plutonium-ip qinngorneri ulorianartut Thule-mi pisumut assingusumik pinngortut, 1966-imi Spaniami Palomares-imi ajutoornermi ilisimaneqarputtaaq (takuuk imm. 5.1). Thule-mi Palomares-imilu pinngooqqaatit qinngornerik ulorianartunik akullit assigiissuteqangaatsiarnissaat, misissuinerit allat ilimanarsisippaataaq [14]. Palomares-imi pinngooqqaatit qinngornerik ulorianartunik akullit ilisimaneqarnerat siusinnerusukkullu uumaatsutut allanngorarsinnaassusaasa misissorneqarnerat, najuussuinikkut qanoq annertutigisumik timimut sunniutarnerisa naliliiviginera annertussusaannullu toqqammaviit, ICRP-p toqqammavissatut aalajangersagaasa atorneraniit, Thule-mi naliliinermut tunngavissatut atornerat iluaqutaassaaq. Puigornaguli pinngooqqaatit qinngornerik ulorianartunik akullit nunami issittumi kiannerusumilu assigiinngitsumik sunniivigineqarsimasinnaanissaat maluginiagassaassaaq.

Tuluit Nunaanni National Radiological Protection Board (NRPB, maanna HPA Radiation Protection Division) spaniamilu Research Center for Energy, Environment and Technology (CIEMAT) Palomares-imi plutonium-ip puanniit aammut akuliunne-ra, uumasunik misissuinkut paasiniarpaat. Misissuinermi paasisat naatsorsueriaatsi-mut ICRP-p innersuussaanut assersuukkaanni, plutonium-239-imik americium-241-millu Palomares-imi qinngorernik ulorianartunik qanoq annertutigisunik najuussisimanerup naliliiviginissaani, immikkut annertussusissanut toqqammavissanik aalajangersagaqarpooq [15, 16]. Palomares-imi immikkut annertussutsimut toqqamma-viit ICRP-llu annertussutsimut toqqammavissatut aalajangersagai, Tabelimi 5-imi takutinneqarput.

Tabeli 5. Plutonium-239 -imik americium-241-millu najuussinikkut qinngorernik ulorianartunik sunniivigineqarnermik annetussusiliinissamut toqqammaviit.

Qinngorner-nik ulorian-artunik akullit	Inuit pineqartut	Palomares-imi pujoralak mSv/Bq	ICRP Type M/akunnattoq mSv/Bq	ICRP Type S/kigaatsoq mSv/Bq
Pu-239	Inersimasut	0,024	0,050	0,016
	Qulinik ukiullit	0,025	0,048	0,019
	Atatsimik ukiullit	0,046	0,077	0,039
Am-241	Inersimasut	0,031	0,042	0,016
	Qulinik ukiullit	0,030	0,040	0,019
	Atatsimik ukiullit	0,057	0,069	0,040

Palomares-imi annertussutsimut toqqammaviit pinngoqaatinik $2,8 \mu\text{m}$ -isut angissu-silinnik tunngaveqarput, ICRP-lli annertussutsimut toqqammaviit $1 \mu\text{m}$ -isut angissu-silinnik tunngaveqarlutik. Palomares-imi annertussutsimut toqqammavissanik aalajan-gjiniarnermi inersimasut piffissap 10 %-iani suleruluttarnerat naatsorsuutigineqarpooq (nunalerineq). Tabelimi takuneqarsinnaasutut plutonium 239-imut tunngatillugu annertussutsimut toqqammaviit, ICRP naapertorlugu sannaamikkut kigaatsumut qaninnerupput, americium-241-mulli toqqammaviit ICRP naapertorlugu sannaamikkut akunnattumut qaninnerullutik. Plutonium-239-ip americium-241-llu assigiinngissutaat, uumasunik misileraanermi americium-ip puanniit aammut akuliunnerata, plutonium-imut sanilliullugu sukkannerullunilu annertuneruneranik patsiseqarpoq.

Issumi plutonium 239-imik americium 241-imillu assersuussinermi, kapitali 3-mi taaneqartutut, plutonium 241- p atomimik sakkussiornermi atukkap- sananeqarneratalu kingorna piffissap qanoq sivisutigisup ingerlasimanera- taamaasillunilu nunarsuup ilaani atomimik sakkussianik misileraanermiit avataarsuanit nakkaasunit Thule-miluunniit ajutoornermit pinngornersoq, apeqquataavoq. Risø DTU-p 2007-imi 2008-milu issumik uuttortaanermi [6] paasisai naapertorlugin, plutonium 239-ip americium 241-llu nikin-gassusaat, americium 241-ip nunap qaaniittup annertusiartornera ilutigalugu annertusis-arpooq, Pu-239-ip /Am-241-llu nunap qaani m^2 -imut 1 kBq-mit annertunerusumi nikingassutip maannamut 6-iqusup annertunersaa, Thule-mi ajutoornermit pisuovoq. Nikingassut najuussukkat annertussusaannik naatsorsuinerni tamani atorneqarpat, annertussutsimut toqqammavissaq Thule-mi plutonium-imut naapertuuttoq, americium -241- qarneranut Thule-milu pinngoqqaatit qinngorernik ulorianartunik akullit uuma-tsutut allanngorarsinnaassusaat, Palomares-imi nassaanut assinguppat, nikingassut taan-na naatsorsorneqarsinnaassaaq. Inunnut pingasunut immikkoortillugit pineqartunut annertussutsimut toqqammaviit Thule-mut tunngasut tabelimi 6-imi takutinneqarput.

Tabeli 6. Thule-mi plutonium-ip qinngornerinik ulorianartunik najuussuinermi annertussusiliinermi toqqammaaviit.

Qinngornerinik ulorianartunik akulik	Inuit pineqartut	Thule-mi annertussutsimut toqqammaavik mSv/Bq
Thule-mi plutonium-i	Inersimasut	0,029
	Qulinik ukiullit	0,030
	Atatsimik ukiullit	0,056

Mingutsinnejarsimasumiinneq

Silaannarmik mingutsitamik qanoq annertutigisumik najuussineq- taamaasillunilu qinngornerinik ulorianartunik qanoq annertutigisumik sunniivigineqarnermut- inuup katillugu qanoq sivisutigisumik mingutsinnejarsimasumiinera soorunami apeqqutavoq. Pujoralannik qinngornerinik ulorianartunik akulinnik teqqalasoqaqqissinnaanera, ukiup qerititaani apisimasumilu annikinnerunissa naatsorsuutigisariaqarmat, Thule-mi ukiup qanoq ilinerani mingutsinnejarsimasumiinneq aamma apeqqutaasinnaavoq.

Innuttaasut illersorniarlugit qinngornerit ulorianartut annertussusaannik uuttortaanermi tamatumunngalu atatillugu Thule-mut tunngatillugu najoqqutassatut innersuussamik assersuussuinermi, ICRP-p amerlanernut sinniisoqartitsinissaq innersuussutigaa. Inunnut amerlanernut sinniisuititaq tassaavoq amerlanertigut eqarsaatersuutaannaasoq innuttaasut pineqartut akornanni eqqugaanerusinnaasutut qinngornerinik ulorianartunik sunniivigineqartoq. Innuttaasut matumani ukiui naapertorlugit pingasunut –inersimasunut (16-iniit 70-inut ukiullit) meeqqanut (arfinilinniit 15-inut ukiullit) meera-aqqanullu (ukioqanngitsuniit tallimanut ukiullit) immikkoortinnejarsinnaanerat, ICRP-p innersuussutigaataaq. Kiisalu immikkoortut taakku pingasut inooriaasaat, annertussutsimut toqqammaiviusut il.il. inersimasunut, qulinik ukiulinnut ataatsimillu ukiulinnut assersuunnejarsinnaassapput.

SIS paassisutissanik kalaallit piniartut Narsaarsuup Grønnedal-illu eqqaannik atuinerat pillugu, sukimiisunik pissarsinissamut periarfissaqarsimannngilaq, taamaammallu nunamik mingutsinermut atatillugu inuup amerlanerussuteqartunut sinniisuusussap immikkoorutaanik nassuaanissamut periarfissaqarani. Avandersuarmi innuttaasut peqqissusaannik misissuisitsinermi [17] peqataasut Avandersuup ilaani sumi, tamatumunngalu atatillugu aamma Narsaarsummi, angalasimanerannik aperineqarpuit. SIS-ip paassisutissat katarsorneqarsimasut pillugit Avandersuarmiut peqqissusaannik misissuisitsinermi aqutsisusuosoq oqaloqatigisinnasimavaa [18], oqaloqatigiinnerlu taanna tunnagavigalugu nalunaarusiami matumani annertussutsinik naatsorsuinermut atugassatut, kalaallit piniartut ukiumut sapaatip akunneri marluk mingutsinnejarsimasumiittarnisaat mianersortumik naatsorsuutigineqarsinnaasoq SIS naliliivoq.

2007-imi 2008-milu aasakkut Avandersuarmi misissugassanik katersinermut atatillugu, Grønnedal-ip Kap Atholl-illu eqqaat arlaleriarluni, Pituffimmi sulisunit immaqlu umiarsuarni takornariartaassuarni ilaasunit, aallaarsimaarfingeqartartoq ilisimaneqalerpoq. Taamatulli inuit allat ukiumut nal. ak. 48-it mingutsinnejarsimasumiittarnissaat mianersortumik SIS-ip naatsorsuutigaa. Avandersuarmi sumiiffinni pineqartuniittarnermi piffissaq qinngornerinik ulorianartunik qanoq annertutigisumik sunniivigineqarsi-manermut uutuuutaasussatut naatsorsuussaq, tabelimi 7-imi takutinnejarpooq.

Tabeli 7. Qinngornerik ulorianartunik sunniivigineqarnerup naatsorsorneqarnissaanut atugassatut, aasap ingerlanerani mingutsinnejarsimasumiissimanermut missingersuutit.

Inunnut amerlanernut sinniisoq	Sumiiffimmiiinneq Ullut/ukiut (nal.ak./ukiut)
Kalaallit piniartut	14 (336)
Allat	2 (48)

Annertussutsimik naatsorsuineq

Mingutsinnejarsimasumi qinngornerik ulorianartunik najuussuunikkut ukiumut qinngornerit ulorianartut sunniinerisa (E tassaalluni pineqartup ukiumut mSv-mut uuttorneqarnera) annertussusaa najoqqutassaq una naapertorlugu ima naatsorsorneqarsinnaavoq:

$$E = e_i \cdot B \cdot f \cdot C_L$$

C_L tassaalluni qinngornerit silaannarmiittut annertussusaat m^3 -imut Bq-mut uuttugaq,
 f tassaalluni mingutsinnejarsimasumiinneq ukiumut nalunaaquttag akunneranut uuttugaq,
 B tassaalluni najuussuinerup akulikissusaa nalunaaquttag akunneranut m^3 -imut uuttugaq,
 e_i tassaalluni najuussukkamik annertussusiliinermut toqqammavik mSv/Bq-imut uuttugaq.

Mingutsinnejarsimasumiissimanerup sivisussusaa f , annertussutsimullu toqqammaviit e_i , qulaani nassuarneqarput. Silaannarmi qinngornerit ulorianartut annertussusaannut C_L , najoqqutassami atorneqartunut, Narsaarsuup eqqaani uuttuutit assigiinngitsut atorlugit uuttortakkat tunngaviusinnaapput, siulianiluunniit qinngornerik ulorianartunik akulinnik teqqaalasoqaqqinnerani uuttuutaasartut, tamatumunngalu atatillugu qinngornerik ulorianartunik akullit nunami qalliusut, annertussusaannut nallersuulligit missingersuunnejarsinnaallutik.

Inuit pingasunngorlugit immikkoortitikkat najuussuinerisa akulikissusaatut ICRP-mit innersuussutaasoq ullormut sulerisarnerup (sininneq, issianeq, annikitsumik suliaqarneq, annertuumik suliaqarneq) assigiissaarneqarneranik tungaveqartoq, tamatumunngalu atatillugu najuussuinerup akulikissusaa tabelimi 8-mi takutinnejarpooq. Palomaresimi annertussutsimik missingersuinermi toqqammaviit, piffissallu 10 %-iani nunaleruni suleruluttoqartarnissaq eqqarsaatigalugu najuussuinerup akulikissusaa, tabelimi aamma ilanngunnejarpooq [15, 16].

Tabeli 8. Innuttaasut ataasiakkaat silaannarmik qinngorernik ulorianartunik akulinnik najuussuinerisa akulikissusaat.

Inuit immikkoortiterneqarnerat	Najuussuinerup akulikissusaat Nal.ak./m ³
ICRP, inersimasut	0,93
ICRP, qulinik ukiullit	0,64
ICRP, ataatsimik ukiullit	0,22
Palomares-imi sulisoq	0,95

3.3.2 Nerineq

Thule-mi mingutsitaasimasi sumi mingutsitaasimasi sumi nerisanut tunngatillugu qinngorernik ulorianartunik iisinkut sunniivigineqarneq naliliivigissagaanni, sumiifimmi mingutsinneqarsimasi sumi nerisat mingutsinneqarsimani erat, mingutsinneqarsimasi unik ukiumut qanoq annertutigisunik nerisaqarneq, qinngorernik ulorianartunik akullit uumaatsutullu allanngorarsinnaassusaat ilisimasariaqarput naliliivigisinnasaariaqarlutiluunniit.

Tulliullugit makku sukumiinerusumik sammineqassapput:

- Nerinikkut sunniivigineqarnermut annertussusiliinermi toqqammaviit
- Tamugartortut plutonium-imillu mingutsitsineq
- Mingutsinneqartumi umimmattat neqaannik nerineq
- Annertussutsimik naatsorsuineq

Nerinikkut sunniivigineqarnermut annertussusiliinermi toqqammaviit

Uumaatsut allanngorarsinnaassusaat qinngornerit ulorianartut qanoq annertutigisut aammut akuliunnerannut, siaruaannerannut, allanngornerannut timimiillu aniatinneqarnerannut pingaarruteqarpooq. Najuussuinermisulli nerinermut atatillugu naatsorsuineermi annertussutsimut toqqammavissanik aalajangersimasunik, uumasunik misileraanermik inuillu ilisimatusaavigineqarnerannik tunngaveqartumik, toqqammaveqarnisaq ICRP-p innersuussutigaa. ICRP-mit plutonium 239-imut americium 241-mullu tunngatillugu aalajangersimasumik toqqammavissatut innersuussutigineqartut tabelimi 9-mi takutinneqarput. Takuneqarsinnaasutut nerisanut tunngatillugu annertussutsimut toqqammaviit najuussuinermit untritileriaat missiliorlugu annikinnerupput. Tamanna plutonium-ip americium-illu nerisat arrofiiinit aammut akuliuttartup annikitsuinnaaneranik- taamaasillunilu Bq-mut naatsorsuullugu nerisatigut qinngorernik ulorianartunik sunniivigineqarnerup najuussuinermiit annikinneralaarsuuneranik- patsiseqarpoq. ICRP-p naatsorsuutai naapertorlugit nerisat aqqutigalugit plutonium americium-iluunniit aammut akuliuttoq 0,05 %- iinnaavoq.

Tabeli 9. Nerinikkut plutonium-239-imik americium-241-imillu sunniivigineqarnermut annertussusiliinermi toqqammaviit

Qinngorernik ulorianartunik akulik	Inuit pineqartut	ICRP-mit annertussutsimut toqqammavik mSv/Bq
Pu-239	Inersimasut	0,000.25
	Qulinik ukiullit	0,000.27
	Ataatsimik ukiullit	0,000.42
Am-241	Inersimasut	0,000.20
	Qulinik ukiullit	0,000.22
	Ataatsimik ukiullit	0,000.37

Tamugartortut plutonium-imillu mingutsitsineq

Nerisarisartakkat Thule-p eqqaani nunami mingutsinnejartumiittut tassaanerupput umimmaat Kap Atholl-ip eqqaani pisat neqaat. Namminersorlutik Oqartussat Kap Atholl-imi 2010-mi 2012-imilu umimmattarineqarsinnaasut 15-inut killilerpaat [19]. Inglefield Land Olrik Fjordilu Pituffiup avannaata kitaaniittut 1968-imilu timmisartorsuup nakkerneranut atatillugu mingutsinnejanganngitsumiittut tuttunniarfugajunne-rusarput [20]. Taamaammat tuttup neqitorneq naliliinerni tulliuttuni ilanngunnejann-gilaq.

Ivikkat naasullu allat sorlammikkut plutonium-imik americium-imillu milluaanerat annikitsuinnaavoq nalinginnaasumillu sunniivigineqarnissamut aqqutissatut naatsorsutigineqassanatik [21]. Umimmaalli ivigartorlutilu allanik naasortorfiat mingutsinnejqarsimappat, plutonium americium-ili teqqalaqqittut kingornalu qingorneri ulorian-artut nunamut torasut ilanngullugit iiorneqarsinnapput. Umimmaat neriffissartik annikitsoq suerukkaangat issoq annikigisassaannngitsoq ilanngullugu nerisarpaat. Issoq mingutsinnejqarsimappat plutonium americium-imillu umimmaat nerisaannut akuliut-tissapput.

Avandersuarmi Kalaallit Nunaatalu sinnerani umimmaat neqaasa plutonium 239-mik americium 241-millu akoqarnerat toqqaannartumik uuttortarneqarsimanngilaq. Taamaammat umimmaat neqaasa mingutsinnejqarsimasinnaanerat, maannakkuugallartoq ataatsimut isigalugu, sumiiffimmi mingutsitsineq pillugu ilisimasat kiisalu plutoni-um-ip americium-illu tamugartortut allat umimmaallu timaannut pisarnerat siaruaat-tarnerallu tunngavigalugit naliliivigineqarsinnaavoq.

ICRP-p plutonium-ip americium-illu, inuit nerisaasa arrofiiinit timimut siaruaattarne-ranut naatsorsueriaasaa- taaneqareersutut uumasunik misileraanermik uumasunillu misissuinermk tunngaveqarnerusoq naapertorlugu, plutonium-ip americium-illu qas-serarterutimininngua kisimi uumasut nerisaasa arrofiiinit timaannut akuliuttarpoq, akuliuttullu inunnisuulli pingaartumik tingummut saanernullu siaruartarlutik.

Nunami avatangiisiniq tatsinik kuunnillu mingutsitsinermiit qinngornerit ulorianartut uumasunut tamugartortunut ikaarsaartarnerisa, uumasut inersimasut nerisaasa arrofii-niit timaannut plutonium americium-ili 0,01 % -ip missaa siaruaattartoq, IAEA -p ilaatigut annertussusiliinermi najoqqutassami toqqammavissatut oqaatiga [22]. Taamaammat umimmaat nunami meqqitsumi plutonium-ip americium-imillu nerisa-annut ilanngullutik aavannut akuliunnermikkut neqaaniilersut, annikitsuinnaanissaat ilimagisariaqarpoq.

Amerikkarmiut 70-ikkunni misissuineranni nersussuit saniatigut nerukkarneqaratik ukiut pingasut pallillugit Nevadami nunami immikkut ungalusami inoqajuitsutullu isikkulimmi 1957-imi atomip nukinganik sakkussiat atomip sananeqaataasa avissaar-tinnerisigut qaartartunik qaartitsilluni misileraanermi, plutonium-imik americium-imillu mingutsinnejqarsimasumi ivigartortut timaasa plutonium-imik americium-imillu akoqarnerat uuttortarneqarpoq. Nerisat arrofiiinit timimut siaruaattarnerat plutonium-imut americium-imullu agguaqatigiissillugu 0,0001 % missaanittooq misissuinerup takutippaa. Taamaasilluni ukiut 20-it qaangiunnerini nersutit timaannut siaruaassinaasumik avatangiisini annertunerusumik plutonium-eqarnissaa americium-eqarnissaalui limanaateqanngilaq [23].

Amerikkarmiut misissuineranni sumiiffiit mingutsinnejqarsimasut qaninnermut (1 km^2) avasinnermullu (3 km^2) immikkortinnejqarput. Geometri atorlugu agguaqatigiissitsiner-

mi plutonium-239, nunap qaani issumi 2,5 cm-imi immikkoortumi qaninnerusumi kiilumut 23 kBq-iuwoq avasinnermili kiilumut 1,9 kBq-iulluni (panerluni oqimaas-susaa). Nersutaatit ukiup aappaata affaa sinnerlugu utoqqaassusillit misissorneqartut neqaanni plutonium-239-ip annertussusaa, ilaatigut uumasut toqunneqannginnerminni qanoq sivisutigisumik ungalusamiissimanerat (ullut 200-niit 1000-it) apeqqutaalluni, kiilumut 0,001-imuit 0,06 Bq –mut nikerapoq (panertinneqaratic) [24]. [24]-imi misileraanermi paassisutissat atorneqartut misissueqqissaarnermi toqqammavigigaanni, nersutaatit mingutsinnejarsimasuni pineqartuni marlunni inuunerminni kingusissukkut ivigartorsimasut neqaasa, qaninnermiittut plutonium-imik kiilumut 0,1 Bq-mik annertussusilimmik avasinnermiittullu kiilumut 0,01 Bq-mik annertussusilimmik akoqarnissaat ilimagineqarsinnaavoq (panertinneqaratic).

Tuluit 80-ikkunni plutonium-ip silaannarmi atomip nukinganik qaartartulianik misile-raasarsimanernit Sellafield-imilu uran-ip atoreernerani plutoni-iliorfimmit aniatitsinermit, plutonium-ip silaannarmiit tigussaasunngorneranut misissuinermi, savat najoqqutassatut atorneqarsinnaanerat misissorneqarpoq. Savat sumiifimmi ivigartorsi-masut anaanni plutonium-ip annertussusaa, plutonium-imut silaannarmiit nerukkaati-nut issumullu tigussaasunngorluni ivigartorfiusumi akuleruttumut, uuttuutitut najoqqutassatut malussarissusillettut atorneqarsinnaanera paasineqarpoq [25]. Sellafield-imit aniatitsineq uran-ip atoreernerani plutonium-iliorfimmit 60 km-inik ungassis-silimmi savat anaanni takuneqarsinnaavoq. Tuluit Nunaanni pissutsit tunngavigalugit plutonium 239 annamut (panertumut) 1 gram-imut akuliusimasoq, missiliukkamik silaannarmiit nunap 1 m^2 -ip qaani naasuni tigussaalersartoq, plutonium-ilu annami akuusoq 10-miit 40 % pallillugu issumeersuusinnaasoq paasineqarpoq. Annap plutonium 239-imik kiilumut 1.000 Bq-mik akoqarnera (panertumik), savap neqaata plutonium-imik kiilumut 0,01 Bq-mik tinguatalu kiilumut 20 Bq-mik akoqarnissaat misissuinerup takutippaattaaq.

Amerikkarmiut tuliuillu misissuineranni pissutsit, imaaliallaannaq Avangersuarmi umim-mannut atuutsinneqarsinnaanngillat. Tamugartortut assigiinngitsuunerat- pingaarnertulli Kalaallit Nunaanni nerisaqarfiiit allaassuteqarnerat taasariaqarpoq. Misissuinermili paasisat Avangersuarmi umimmaat neqaasa plutonium-imik qanoq annertutigisumik akoqarnerannut missingersuutaaggallarsinnaapput. Risø DTU agusti qaammat 2006 nalaatsortumik umimmaat anaannik Narsaarsummi Grønnedal-imilu nassaanik misissuivoq. Misissukkani tamanut uuttuutaasinnaanngikkaluani marlu-usuni, plutonium 239 kiilumut 10 Bq-mik annertussusilik (panertoq) uuttorneqarpoq [26]. Umimmaat neqaasa plutonium 239 –imik qanoq annertutigisumik akoqarneri-nut tunngatillugu, amerikkarmiut tuliuillu misissuinerisa inernerter Kalaallit Nunaannut naleqqussarnagit, plutonium-ip Narsaarsummi issimi umimmaallu anaanni, Risø DTU-mit misissorneqarluni paasineqartup, inerneriumaagaa tabelimi 10-mi takutin-neqarpoq.

Tabeli 10. Amerikkarmiut tuliuillu misissuinerinik allannguuteqartinneqann-gitsunik tunngaveqarluni, umimmaap neqaata plutonium 239-imik akoqarnera, Avangersuarmi uuttortaanerni paasisanut sanilliullugu.

Misissukkat	Narsaarsummi issoq Kiilumut/Bq	Narsaarsummi issoq Kiilumut/Bq	“Neqi” Kiilumut/Bq
Nevadami nersutaatit	1.800*	-	0,01
Tuluit Nunaata avannaani savat	-	10	0,0001

Kisitsisit * -mik nalunaaqtsikkat Risø DTU-p nalunaarusiaanik tunngaveqarput [6].

Plutonium annerpaaq umimmaat issumik mingutsinnejarsimasumik nerinerisigut neqaannut akuliuttarpoq. Nerisamut akuliullugu issoq nerineqartartoq 10 % -iuppat, annammi Kalaallit Nunaanneersumi kiilumut 10 Bq-tut uuttornejartoq issumut akuliullugu nerisatut 100 Bq-missingatut annertutigissaq, taamaasillunilu nersutaatinut tunngatillugu naatsorsukkanut tabelimiittunut sanilliullugu annikinnerulluni.

Mingutsinnejartumi umimmattat neqaannik nerineq

Kalaallit Nunaanni umimmattornerup qanoq annertutiginera sukumiisumik ilisimane-qanngilaq. Ukiulli ingerlanerini nerisanut tunngatillugu misissuinerit ingerlannejartar-nerisigut, Avanersuarmi innuttaasut ukiumut umimmattortagaat naliivigineqarsinna-avoq. 2004-mi 2006-imilu Uummannami Narsamilu nerisat pillugit misissuisitsinerni, ullormut 20 gram-ip ukiumut naatsorsorlugu 7 kiilut missaanik nunami uumasut neqaannik (sava, tuttu, umimmak, ukaleq) nerisaqartarneq paasineqarpoq [27]. Nerisanut tunngatillugu illoqarfinni nunaqarfinnilu aqqaneq marlunni kingusinneru-sukkut misissuinermi [28], Kalaallit Nunaat tamakkerlugu agguaqatigiissitsinermi, tut-put umimmaallu neqaat ullormut 12 gram (ukiumut 4 kg) -sumiiffinni piniarnejarsin-naanerat apeqquataalluni nikerangaatsiartumik- nerineqartartut paasineqarpoq. Avanersuarmi agguaqatigiissillugu ullormut 15 gram missaa nerineqartarpoq. Tamanna tunngavigal SIS-p missingersuutai naapertorlugit, tabelimi 11-imti takutinneqartut, nalunaarusiam matumani Avanersuarmi inuup inoqamminut amerlanernut sinniisu-sinnaasup umimmattugaanik naatsorsuinermi atorneqarsinnaapput. Umimmaap tingua nerineqartartunut ilaangilaq [28].

Tabeli 11. Annertussutsinik naatsorsuinermut atugassatut Thule-mi mingutsinnejartumi umimmaat neqitugarineqartartutut naatsorsuutigisat.

Inuk inoqamminut amerlanernut sinniisoq	Umimmattukkat Ukiumut/kiilu
"Nalinginnaasumik nerisartoq"	3
"Annertuumik nerisartoq"	15

Annertussutsimik naatsorsuineq

Mingutsitsiviusimasumi qinngorernik ulorianartunik aalajangersimasunik mingutsin-neqarsimasumik nerisaqarnikkut, ukiumut qinngorernik ulorianartunik sunniivigine-qarnerup (E ukiumut mSv-mut uuttorlugu) annertussusaat najoqqutassaq una naaper-torlugu ima naatsorsorneqarsinnaavoq:

$$E = e_s \cdot M \cdot C_F$$

C_F tassaalluni nerisasassat annertussusaat kiilumut Bq-mut uuttorlugit,
 M tassaalluni nerisat annertussusaat ukiumut kiilumut uuttorlugit,
 e_s tassaalluni nerisat qinngorernik ulorianartunik aqokassusaannik mSv/
Bq-mut uuttorlugit annertussusiliinissamut toqqammavik.

nuussutissani- ataatsimi assigiinngitsuniluunniit qinngornerit ulorianartut arlaliuppata, inuussutissanit tamanit qinngorernillu ulorianartunit pisut tamarmik- ukiumut ataatsimut nerisatigut qinngorernik ulorianartunik sunniivigineqarnerup annertussusaa paasiumallugu, ataatsimut katinneqassapput. Umimmaat neqaannik nerinikkut sunniivigineqarneq M, annertussutsimullu toqqammavik e, qulaani nassuiarneqarput. Umimmaap neqaani pinngooqaatit qinngorernik ulorianartunik akullit annertussusaat C_p qinngornerisa qanoq annertutigisumik suniinerannik naliliisinnaajumalluni, maan-namuugallartoq missiliutinik tunngaveqartariaqarpoq.

3.3.3 Kilerneqarneq/kimillanneqarneq

Mingutsitsiviusimasumiinnermi amermi ikit ammasut mersukkat kimillannerillu issuumik, pujoralammik pinngooqaatinilluunniit annerusunik mingutsinneqarsinnaapput. Ikit tassaasinnaapput ammip pitarneqarsimanera, kimillannerit, kilernerit uunerilluunniit. Minguk ikip qaanut nippussinnaavoq itinerusumulluunniit pisinnaalluni. Tamatum kingorna minguk pilertortumik takassinnaavoq, ikimi matuneqarsinnaalluni imal. ilaa timimut aak qinersilluunniit imerpalsortaa aqqutigalugu timimut isaasin-naalluni.

Ikit mingutsinneqarnerat naliliivigisinnaajumallugu timip ilaata qanoq annertutigisup ikeqarsinnaasarnera, qanoq akulikitsigisunik ikeqartarneq kiisalu mingutsinerup ikinut pisup tassaniiginnartullu qanoq annertutiginera ilisimasariaqarpoq. Tamatumunnga ilanngullugu Avanersuarmi mingutsitsineq issuumut akuluttoq assigiaartumik siaruarsi-mangnilaq, taamaammat ikip aalajangersimasumit mingutsinneqarsimasup plutonium-imik aalajangersimasumik annertussusilimmik aqoqarnissaa ilimanaateqarsinnaavoq. Najuussuinermut nerinermullu sanilliullugu, ikikkut sunniivigineqarnikkut, qinngornerit ulorianartut annertussusissaannut naliliussap timimut sunniunnissaa ilimanaateqarnerujussuuvoq. Taamaasillutik issup ima annertutigisup imalu annertutigisumik plutonium-imik akullip ikeq mingutsippagu, qinngorernik sunniivigineqarsimasinna-nerup annertussusilernissaanut naatsorsuinerit killeqarput.

Assersuutigalugu Maralinga-mi ikip qinngorernik ulorianartunik mingutsinneqarneran-ut atatillugu, annertussusissamik naliliinermi (imm. 5.2 takuuk), ukiup ataatsip inger-lanerani ikip issuumik 1 gram-imik mingutsinneqarnera eqqarsaatigigaanni, ilimanaatil-lit qinngornerisalu ulorianartut sunniinerisa annertussusaat naatsorsoraanni, issoq grammi ataaseq pinngooqaatinik qinngorernik ulorianartunik uumaatsutut allatulli allangorarsinnaassusilinnik Maralinga-mi mingutsinermi pissutsinik tunngaveqarpoq [29]. Ikip ukiumi ataatsimi katsillugu issuumik grammimik ataatsimik mingutsinneqarnerata annertoorujussuunera Australiamilu nunap inoqqaavisa aboriginals-it Australiap inoqajuitsuani inooriaasaannut assersuunneqarsinnaanera oqaatigineqassaaq.

Ikeq aalajangersimasoq qinngorernik ulorianartunik mingutsinneqareerpat, timimut sunniunnissaa taamaasillunilu qinngorernik ulorianartunik sunniivigineqarneq, sunniivigineqarsinnaanermi uumaatsutut allatulli allangorarsinnaassusaat apeqqutaassaaq. USA-mi National Council of Radiation Protection and Measurement –ip (NCRP) ICRP suleqatigalugu ikini qinngorernik ulorianartunik unitsinermik aniatitsiner-millu uumasunik misileraanermik, inuillu ikiisa mingutsinneqartarnerannik misilitakkat tunngavigalugit periutsimik ineriartortitsippu. [30]. Qinngornerit ulorianartut timimi arroriartortarnerat aniaqqittarnerallu pillugu ICRP-p naatsorsueriaasaanut ilanngullugu, naatsorsueriaaseq, ikeq aqqutigalugu qinngorernik ulorianartunik sunniivigineqarnerup annertussusiliiviginissaanut, periarfissiivoq. NCRP-p naatsorsueria-asaani arrortikkuminaannerit soorlu plutonium americium-ilu, pinngooqaatinut min-

nernut annernullu immikkoortinneqarput (pinngooqqaatinik aseqqukunillu taallugit), assigiinngissutaat 20 μm –mut naatsorsuunneqarpoq.

Ikeq aqqutigalugu plutonium 239-ip americium 241-illu timimut pisup annertussusaannut toqqammavii, naatsorsueriaaseq IMBA Professional Plus atorlugu misingersunneqartut [31], ICRP-p naatsorsueriaasaanut tapiliussamik NCRP-p naatsorsueriaasaanik ilaqrput. Ikeq aqqutigalugu sunniivigineqarnermik annertussusiliinermut toqqammavinni, ikeq aqqutigalugu qinngornermik ulorianartumik 1 Bq-p nalinganik mingutsinnejnarnerup kingorna ukiut 50-it qaangiunneranni (meeqqani ukiut 70-it) annertussutsit pineqarput (mSv/Bq). Plutonium 239-imut- americium 241-mut Thule-milu plutonium-imut tunngatillugu pinngooqqaatit 20 μm -mit annerusunut minnerusunullu naatsorsuinerit inernerit tabeli 12-imi takutinneqarput.

Tabeli 12. Ikeq aqqutigalugu plutonium 239-ip americium 241-ip Thule-milu plutonium-ip timimut pisup annertussusaanut toqqammavii.

Qinngornernik ulorianartunik akulik	Inuit pineqartut	Pinngooqqaatit qinngornernik ulorianartunik akullit ($\leq 20 \mu\text{m}$) mSv/Bq	Aseqqukut ($> 20 \mu\text{m}$) mSv/Bq
Pu-239	Inersimasut	0,39	0,017
Am-241	Inersimasut	0,33	0,014
Thule-mi Plutonium-i	Inersimasut	0,45	0,019

NCRP naapertorlugu aseqqukunit sunniivigineqarnikkut qinngornernik ulorianartunik akullit annertunersaasa ikimiiginnartarnissaat, taamaasillutilu pinngooqaatitut aak qinersilluunniit imerpalsortaa aqqutigalugu, timimut siaruattannginnerat naatsorsuutigineqarmat, aseqqukunit sunniivigineqarnerup annertussusiliivignerani toqqammavik pinngooqaatinit annikinneerarsuovoq (ukiut marluk qaangiunneranni 1 %-imut sanilli-ullugu 95 %-iulluni).

4 Thule-mi qinngorernik ulorianartunik sunniivigineqarnerup annertussusaanik naliliineq

4.1 Mingutsitsinerit annertussusaat

Pujoralammi issumilu plutonium 239-ip americium 241-llu annertussusaat, qinngorernik ulorianartunik assigiingitsutigut pingasuuusutigut sunniivigineqartarnerup annertussusaannik naatsorsueriaatsimi ilaapput. Naatsorsuinermut atugassatut, Risø DTU -p misissuinerinik tunngaveqartoq, tabelimi 13-imi Thule-mi mingutsitsinermi qinngorernik ulorianartunik sunniivigineqarnermut annertussutsit, nalunaarusiam matumanii toqqammaviusut taaneqarput.

Tabeli 13. Thule-mi mingutsitsinermut atatillugu plutonium 239-mut americium 241-mullu annertussusiliussat.

Qinngorernik ulorianartunik akulik	Pujoralammiittup annertussusaat kBq/m ²	Issumiittup annertussusaat kBq/kg
Pu-239	50	1,8
Am-241	9	0,3

Tabelimi 13-mi pujoralanni qinngornerit ulorianartut annertussusaat, Narsaarsuup eqqaani plutonium 239- 270 GBq-sut americium 241-lu 45 GBq-sut missingersukkat, ataatsimut katillugit 4,8 km²-isut isorartutigisumi nunap iluani pissutsimik misissueqqissaarnermik tunngaveqarput [7], tabelimi kisitsisinut assersuussinermi, Risø DTU-p misissuinerisa pingaarerit inernerisa agguaqatigiissinnejnarneranni, plutonium 239 m²-imut 39 kBq-uvoq americium 241-lu m²-imut 6,6 kBq-lluni.

Tabel-imi 13-imi issumi qinngornerit ulorianartut annertussusaannut tunngatillugu, Risø DTU-ip uuttortagai tunngavigalugit [7], plutonium -ip americium -llu qinngornerisa ulorianartut ataatsimut katillugit annertussusaannut qulaani missingersuut, nunap qaani issumi 2 cm-inik issussusilimmi, initussusaanut naleqqiullugu annertussusa cm³-imut 1,5 g-iulluni, assigiaamik siammarsimanissa ilimagineqarpoq. Plutonium-ip qinngorneri ulorianartut issumiittut 2006-imi Risø DTU-mit nalunaarusiaasumit annerpaamit kiilumut 0,08 kBq-mit annertunerujussuupput [2].

SIS-ip naliliinera naapertorlugu annertussutsit taaneqartut atornerat, sunniivigineqarnissamut aqqutaasinnaasunut pingasuuusunut tamanut, annertussutsinik naatsorsukkanik mianersortumik naliliinerussaaq.

4.2 Najuussuinkkut sunniivigineqarneq

Qinngorernik ulorianartunik najuussukkanik naatsorsueriaaseq immikkoortumi 3.3.1-imi nassuiarneqarpoq, uuttuutillu sumiiffimmiennerup sivisussusaanut, anerterinermet, Thule-milu ajutoornermet atatillugu annertussutsinut toqqammaviit, naaper-tuuttut ilanngunneqarlutik. Nunamik mingutsitsinerup kingunerisaanik silaannarmi plutonium-ip annertussusa, najuussuinkkut qinngorernik ulorianartunik qanoq annertutigisunik sunniivigineqarnerup naliliiviginissaanut aalajangiisuulluinnassaaq. Narsaarsummi silaannarmi qinngornerit ulorianartut annertussusaat Risø DTU-mit 2007-imi 2008-milu aasakkut uuttortarneqarput [6] sumiiffimmi tamatumani plutoni-

um-ip annertussusaanik uuttortaasarsimancerit tunngavigalugit aamma missingersorneqarsinnaallutik. Silaannarmi uuttortakkat missingersuinerillu ataatsimoortillugit tabelimi 14-imik takutinneqarput. Naatsorsueriaatsini uuttutigineqartut tabelimissaaq takutinneqarput, takukkit imm. 3.3.1 aamma 4.1.

Tabeli 14. Silaannarmi plutonium 239-mik uuttortaaneq missingersuinerlu.

Periuseq	Annertussutsimut uuttuutit					
	Pujoralam-mi kBq/m ²	Teqqa-laqqit tunut gangiut m ⁻¹	Issumi kBq/kg	Pujoralatsitsinermi μq/m ³	Annertus-sutsimut gangiut	Silaannarmiittup annertussusaa μBq/m ³
Sorujuiaammut uuttugaq(filter)	-	-	-	-	-	0,0044 ¹⁾
Sorujuiaatinut uuttugaq(folier)	-	-	-	-	-	0,001 ¹⁾
Missingersuut Teqqalaqqittunut	50 ²⁾	10 ⁻¹⁰	-	-	-	5
Missingersuut Pujoralaqanera-nut	-	-	1,8 ²⁾	1	5	9

1) Risø DTU-p nalunaarusiaanik tunngavilik [6,7].

2) Tabel 13-imik tunngavilik.

Takutinneqartuni silaannarmi qinngornerit ulorianartut tamatigut annikitsuinnaapput. Annertussutsit uuttortakkat Tyskland-imi Tjekkiamilu pinngortitami nalinginnaasumik annertussutsinut assersuunneqarsinnaapput, 1966-imi illu 1976-imut plutonium-eqaranerik Pituffimmi uuttortakkanit pingasoriaataata missinganik annikinnerullutik, taakku tamarmik silaannarsuarmi atomip nukinganik sakkussianik misileraanerit kingunera, takuuq Risø DTU [6].

Naatsorsueriaatsit taakku Narsaarsuup eqqaani qinngornerik ulorianartunik teqqa-laqqittunik annertuallaamik naliliisorinarmata, takuuq Risø DTU [6], qinngornerit ulorianartut silaannarmi annertussusaannut missingersuutinut tunngatillugu, uuttueriaatsimik nalinginnaasumik tunngaveqarluni teqqalaqqittunik uuttuinermi, uuttukkat silaannarmi annertussusaannik qaffasinnerungaatsiartsarput.

Narsaarsummi issuumik nunamik 1 m² -imik qalliisumik milluaanikkut tamatuma americanum 241-mik qanoq annertutigisumik akoqarnera Risø DTU-p misissugassani 56-iusuni uuttortarparaa [6]. Uuttortaakkat taakku geometri atorlugu agguaqatigiissinnettut m²-imut 0,2 Bq-uvloq, Pu/239/Am 241-inut nikingassut 6-iuppat nunap qaani plutonium 239-ip annertussusaan m²-mut 1,2 Bq-ussaaq. Assersuut piviusuussangatinneqarpat teqqlasinnasup annertussusa ilumut teqqlasinnasumik annertussusiliippat silaannarmiittorlu tamatumingga tunngaveqarluni naatsorsorneqarpat, silaannarmiittut annertussusaat m³-imut 0,0001 μBq-iussaaq. Tamannalu Risø DTU-mit maanna uuttortakkanut naapertuunnerujussuussaaq.

Tabel 14-imik silaannarmi qinngornerit ulorianartut annertussusaannut missingersuussat tunngavigalugit uuttortaanerit tabelimi 15-imik takutinneqarput. Qinngornerit ulorianartut silaannarmiittut annikitsunnguusarmata naatsorsukkut amma annikitsunnguupput.

Najuussukkanik naatsorsuinerni naatsorsuutigisat, ilimagisat, uuttortakkallu tamarmik immikkut qulakkeerneqarsinnaanngillat. Taamaammat najuussukkanut annertussutsit takutinnejartut aamma nalorninartortaqangaatsiarerat, Narsaarsuup eqqaani angalnerup navianaateqarsinnaaneranut assersuussinerni naliliinernilu tamatigut malugini-aqqissaartariaqarpooq. Sumiiffimiinnikkut teqqalatitseqqissinnaanerup annertusisinnanera nalochnitsisunut ilaavoq. Najuussukkap annertussusaanik toqqaannartumik toqqaannanngitsumilluunniit naliliinermi, assigiinngissutsit annertugaluaqisut (anner-tussutsit arlaqaqisut), silaannaap plutonium-imik akullip teqqalateqqinnejarnerani qinngorernik ulorianartunik akullip sumiiffinniittunit najuussorneqarneragut, qinngornerit sunniisinnaanerisa suunnginnerannik silaannakkullu suniivigineqarsinnaanerup pingauteqannginneranik, patajaatsumik takutitsipput.

Tabeli 15. Inuup inoqamminut amerlanernut sinniisuusinnaasup najuussugaata annertussusa, plutonium 239-ip silaannarmi annertussusaata uuttortarlugulu missingersorneranik tunngaveqartoq.

Inuk inoqamminut amerlanernut sinniisoq	Silaannarmi qinngornerit	Sunniivigineqarneq, Ukiuumut/mSv
Kalaallit piniartut	Sorujuiaammut uuttukkat(filter)	0,000.000.04
	Sorujuiaatinut uuttukkat(folier)	0,000.000.009
	Missingersuut (Teqqalaqqittunut)	0,000.05
	Missingersuut (Pujoralaaq annertussusaanut)	0,000.08
"Takornarissat"	Sorujuiaammut uuttugaq(filter)	0,000.000.006
	Sorujuiaatinut uuttugaq(folier)	0,000.000.001
	Missingersuut (Teqqalaqqittunut)	0,000.003
	Missingersuut (Pujoralaaqaneranut)	0,000.006

Plutonium-ip annertussusaanik sorujuiaammi toqqaannartumik uuttortaaneq pingaunerpaatut isigisariaqarpooq silaannamiillu najuussukkap annertussusaanik naliliinermut tunngavissat pitsaanersarissallugu. Maanamiit kisitsisit silaannarmit najuussukkap annertussusaanik paasinarsisitsisut makkut mingutsinneqarsimasumiittunut- piniartuup-pata kalaallit, turistiuppataluunniit tamanut atorneqassapput:

- **Silaannarmit najuussukkap annertussusaanik paasinarsisitsisoq: ukiumut mSv 0,000.000.1**

Qinngornerit ulorianartut annertussusaat taanna suunngitsuararsuuvoq.

4.3 Nerinikkut suniivigineqarneq

Nerisat aqqutigalugit qinngorernik qanoq annertutigisunik timimut pisoqartarneranik nalileeriaaseq immikkoortoq 3.3.2-mi nassuiarneqarpooq, umimmaat neqaasa plutonium-imik qanoq annertutigisumik aqoqarnerannut, ukiumut qanoq annertutigisumik umimmattarnermut, Thule-milu ajutoornermi annertussutsimut toqqammaviit, naliliinermi uuttuitigissallugit naapertuuttut aamma ilanngunneqarput. Ullumikkut umimmaat neqaasa plutonium-imik aqoqassusaasa missiliunnarneqarsinnaanera ilanggullugu erseqqiissaatigineqarpooq. Nerrersuup neqitugarisartagaatut naatsorsuussat nerisigut qinngorernik ulorianartunik suniivigineqarnerup annertussusaanut missingersuutit tabelimi 16-imi takutinnejarput. Qinngorernik ulorianartunik suniivigine-

garneq nerrersuumut sanilliullugu nalinginnaasumik nerisumi tallimariaammik minnegarneq, annertussusiliinermili nerrersooq kisimi tunngaviuvoq.

**Tabeli 16. Umimmaat neqaasa plutonium 239-mik akoqarnerannik
toqqaannartumik naliliineq tunngavigalugu, inuit inoqamminnut
amerlanernut sinnisaasut qinngorernik ulorianartunik qanoq
annertutigisunik sunniivigineqarnerat.**

Inuk inoqamminut amerlanernut sinnisaasut	Missingersueriaaseq	Qinngorernik ulorianartunik sunniivigineqarneq, ukiumut/mSv
"Nerrersooq"	Nevadami nersutaatit Issumik uuttortaaneq [kiilumut 1.8 kBq]	0,000.1
	Tuluit Nunaanni savat Anaannik uuttortaaneq	0,000.000.1

Tabelimi-16-imi qinngornerit ulorianartut annertussusaannut missingersuutini umimmaat neqaasa americium 241-mik akoqarsinnaanerat ilanngunneqanngilaq. Americium issuumiit- tamugartortnun- inummut sunniivigintinnermi - uumasunili inunnili timimut siaruaattarnera annertunerulluni- tamatigungajak plutonium-itulli pissuseqarpoq. Thule-mi plutonium-ip americium-illu nikingassutaat 6:1-iummataat, tabelimi 16-imi qinngorernik ulorianartunik sunniivigineqarnermut missingersuutini, americium aala-jiangiisuusinnaanngilaq. Taamaamat taakk Thule-mi ajutoornerup kingunerisaanik nunami avatangiisini plutonium-ip uumasut- nerisaannit- neqaanut qinngorernik ulorianartunik mingutsinneqartuni, neqitornermilu atuuttutut naatsorsuutigineqarsinnaapput.

Missingersuutaagallartut tunngavigigaanni kisitsit una, Avanersuarmiinngaanneersunik umimmattornikkut qinngorernik ulorianartunik sunniivigineqarsinnaanermut, paasi-narsisitsisutut atorneqarsinnaavoq:

**- Nerinikkut timimut pisup annertussusaanik paasinarsisitsisoq:
ukiumut mSV 0,000.1**

Najuussuinikkut qinngorernik sunniivigineqarneq paasinarsisitsisumit annerugaluarpalluunniit, annikitsumineerarsuartut taasariaqarpoq.

Qulaani taaneqartutut umimmaat neqaasa plutonium-imik akoqassusaat tabel 16-imi naatsorsukkanut ilaasut, Avanersuarmi umimmaat neqaasa plutonium-imik akoqarneriut missingersuutaagallartutut isigineqarsinnaapput. Taamatuttaaq qinngornerit ulorianartut annertussusaannik naatsorsuinerit, nunami mingutsinneqarsimasumi Thule-mit issittumiittumit allaanerusumi, uumasuutit tamugartortut tunngavigalugit missingersuutaagallartutut naatsorsuutigisariaqarput. Qinngornerit ulorianartut annertussusaannut missingersuutit tutsuiginarnerit Avanersuarmi umimmattat neqaannik misissuinikkut aatsaat pissarsiarineqarsinnaapput. Uuttortaanerit taamaattut umimmaat neqaanni plutonium tabelimi 10-mi annertussutsinit allaanerungaartumik (marluk-pingasoriaammik) takutitsinissaat SIS-ip naatsorsuutiginngila. Qinngorernik sunniivigineqarneq nerinikkut sunniivigineqarnerup annertussusaanik paasinarsisitsisatut takutinneqartup, marloriaammik pingasoriaammilluunniit annerunissaa (untritileriaammiit tuusin-tilleriaammut), annikitsuararsuusutut peqqissutsimullu sunniuteqanngitsutut oqaatigisariaqarpoq. Taamaamat ukiumut 1 mSv-mut assersuullugu, nerinikkut qinngorernik

ulorianartunik sunniivigineqarnermut kisitsit paasinarsisitsissutaasoq, periarfissani siammasissuni patajaatsutut SIS-ip isiga.

Avangersuarmi umimmaat neqaannik plutonium-imik akoqassusaannik misissuiner-
mut atugassanik pissarsiniartoqarsimanngilaq. Nunani Avannarlerni polonium-210
amma bly-210-p qinngorneri ulorianartut pillugit suliniummut atatillugu,
utaqqiisaagallartutut atussallugu naapertuuttumik misissugassanik katersanik anni-
kitsunik uuttortaasoqarpoq [32]. Misissugassap annikitsup tamatumma akua plutonium
kiilumut 0,05 Bq-mit- uuttortaanermi tamatumani plutonium-imut killigititaasumit-
annikinneruvoq [33]. Uuttortaanermi killigititaasoq taanna tabelimi 10-mi plutonium-
ip annertussusaanut naatsorsuussat, immikkoortumi matumani naatsorsuiner-
mi atorneqartut annertoqatigaat.

Nerinermi plutonium-ip qinngornerinik ulorianartunik naapertuuttumik annertussu-
silinnik sunniivigineqarneq, Nunani Avannarlerni suliniummut atatillugu uuttortaaner-
mi, Avangersuarmi umimmaat neqaasa (panertut) polonium 210-mik kiilumut 90
Bq-mik- panertinneqaratik kiilumut 20 Bq-missaaniittussanik- akoqarnerat assersuuta-
sinnaavoq [32]. Polonium-210 ulorianartunik qinngornilik uran 238-ip atoreernerani
radon-imut tulliusartoq avatangiisini pioererpoq taamasillunilu radon 222-ip silaannar-
miittup atoreernerani, silaannarmi pinnnoreernermigut nunap qaaniilersarluni.
Polonium-210 plutonium 239-isulli alfanik qinngorneqarpoq. Immikkoortoq 3.3.2-mi
periuseq nassuiarneqartoq nerinikkullu qinngornerinik ulorianartunik sunniivigineqar-
nermut uuttortaatit atorneqarpata, ICRP-llu polonium 210-mut innersuussutaa annertus-
sutsimut toqqammavigneqarpat, umimmaat neqaannit polonium-ip qinngornerinik
ulorianartunik sunniivigineqarneq nalinginnaasumik nerisartumut ukiumut 0,07 mSv-
sut annertutigissaq (ukiumut 3 kiilu) nerrersuumullu ukiumut 0,2 mSv-ussalluni
(ukiumut 10 kiilu), agguaqatigiissinsinermi immikkut tamarmik ukiumut 0,1 mSV-
mik sunniivigineqassapput.

Nerinikkut qinngornerinik ulorianartunik sunniivigineqarnermut paasinarsisitsissuta-
sumut immami uumasunik nerisaqarneq ilaatinneqanngilaq. 1968-imi ajunaarnerup
kingorna timmisartorsuup nakkarfiata nalaani immap naqqa arlaleriarluni uuttortaavi-
gneqarpoq, immamilu uumasut qinngornerinik ulorianartunik akoqassusaannik misis-
suivigisassanik pissarsisoqarluni. Ukiut ingerlanerini misissuinernik inerniliinerni,
immami avatangiisit uuttortarneqarsinnaasumik inunnulli immami uumasunik, allaat
qalerualinnik mingutsinnejqarsimanerpaanik nerisaqarnikkut navianaataanngitsumik
mingutsinnejqarsimanerat paasineqartarpooq [34, 35]. 1968-imiit 1995-imut uumasunik
imarmiunik nerisaqarneq aqqutigalugu plutonium-ip timimut sunniuttup annertus-
susaa, nerisat imarniuneersut tamarmik Bylot-ip ikerasaaneersutut naatsorsuullugit
1998-imi naliliivigineqarpoq, tassanngalu qinngornerinik ulorianartunik sunniivigine-
qarneq ukiumut agguaqatigiissillugu 0,005 mSv-iusutut naatsorsorneqarpoq [35].
Taamaammat immami uumasunik nerinikkut qinngornerinik ulorianartunik sunniivigi-
neqarneq nalunaarusiami matumani ilanngunneqanngilaq eqqartorneqaqqissanani.

4.4 Kilerneqarnikkut/kimillanneqarnikkut sunniivigineqarneq

Ikeq, issoq pinnqoqaatillu aqqutigalugit qinngornerinik ulorianartunik qanoq annertu-
tigisunik timimut sunniuttoqartarneranik nalileeriaaseq immikkoortoq 3.3.3-mi nas-
suiarneqarpoq. Taaneqareersutut, ikeq aqqutigalugu qinngornerinik ulorianartunik sun-
niivigineqarsinnaanermi, kilernermik kimillannermilluunniit mingutsitsinerup qanoq
annertutigisumik qinngornerinik ulorianartunik akoqarneranut, taamaasillunilu sunni-
ivigineqarnermut, naatsorsuutissaqareerpoq.

Inuk Narsarsuup Grønnedal-illu eqqaaniittooq ukiumut ataatsimut katillugu issumik 0,1 gram-imik annertussusilimmik kilernermigut kimillannermigulluunniit mingutsin-neqartoq naatsorsuutigissagaanni, issup taama annertutigisup plutonium-imik aalajangersimasumik annertussusilimmik akoqarnissaata ilimanaataa naliliivigisariaqarpoq. Misissugassat annertunersaasa atortorissaaruserluni sumiiffinni misissuinerni, nunami americium 241-mik killiliussamit annertunerusumik nassaarfiusumi katersaanerat eqqarsaatigigaanni, issumi taama annertutigisumi qinngornerit ulorianartut annertus-susaasa, misissugassani tamani agguaqatigiissillugu Thule-mi plutonium-ip annertus-susaanit annertunerunissaasa ilimanaataat annikitsuinnaassaaq. Issup taama annertus-susillip pinngoqqaammik qinngornerik ulorianartunik annertuunik akoqarnissaata ilimanaataa taamatuttaaq annikitsuinnaassaaq.

Qulaani pineqartuni marlunni taamaattoqarnissaanut ilimanaat, SIS-ip missingersuine-ra naapertorlugu 1 %-imit annikinnerungaatsiarpoq, taamaasillunilu inuup inuunermi-ni arlaleriarluni kilernikkut/ kimillannikkut sunniivigineqarsinnaanera annikitsoralaar-suulluni. Inuup kilernermigut kimillannermigulluunniit, issumik plutonium-p qinngornerinik ulorianartunik, aalajangersimasunik annertussusilinnik mingutsinneqarsima-sumik, sunniivigineqarnerata annertussusaa, tabeli 12-imi kilernikkut kimillannikkullu-unniit sunniivigineqarsinnaanermut annertussusiliinissami toqqammavissat atorlugit naatsorsorneqarsinnaavoq.

Sunniivigineqareernermermi ukiuni tulliuttuni 50-ini inuup ataatsimut qinngornerik ulorianartunik sunniivigineqarnissa, qinngornerik ulorianartunik katersuuttunik taaneqartartoq, annertussutsinut toqqammaviit oqaatigaat.

Tabelimi 13-imi taaneqartutut Avandersuarmilu issumi pinngoqaatit qinngornerik ulorianartunik akoqarnerpaatut, issuumit 0,1 gram-imit qinngornerit ulorianartut kater-suuttut annertussusaannik nalillineq, tabel-imi 17-imi takutinneqarpoq. Qinngornerit ulorianartut katersuuttut taakku annertussusaat, ikeq aqqutigalugu mingutsinneqarnik-kut qinngornerik ulorianartunik sunniivigineqarsinnaanerup qaffasinnerpaaffigisinna-asaasa ilaanniittutut isigisariaqarpoq. Inuunerup ingerlanerani arlaleriarluni ikeq aqqutigalugu qinngornerik ulorianartunik sunniivigineqarsinnaaneq annikitsoralaar-suummat, agguaqatigiissillugu ukiumut qinngornerik ulorianartunik sunniivigineqar-sinnaaneq, qinngornerit ulorianartut katersuuttut annertussusaattut atsigisoq, tabelimi-17-mi aamma takutinneqarpoq. Plutonium 239-ip americium 241-illu qinngornerisa ulorianartut katersuuttut annertussusaasa, ukiuni 50-ini tulliuttuni sivisuumik timimi-itnarnerat pissutaalluni, assigiaamik agguataarsimassammata, taamaasierneq isumatus-arneruvoq.

Tabeli 17. Innuttaasut ataasiakkaat ikimikkut qinngornerik ulorianartunik sunniivigineqarnerisa annertussusaat.

Issoq/pinngoqqaat	Annertussuseq Bq	Qinngornerit ulorianartut katersuuttut annertussusaat mSv	Ukiumut sunniivigineqarnerup annertussusaar mSv
Issoq 0,1 g	0,18 (1,8 kBq/kg)	0,08	0,002
Pinngoqqaat (20 µm)	20	9	0,2
Aseqqoq (50 µm-isut atsigisoq) annertunerit nunami nassaat	150	3	0,06

Tulliuttumi ikeq aqqutigalugu issuumit pinngoqqaammilluunniit ataatsimit qinngornerik ulorianartunik sunniivigineqarnermut annertussutsit atussallugit naapertuuttut uku atorneqassapput:

- **Ikikkut issoq aqqutigalugu timimut pisup annertussusaanik paasinarsisitsisoq: ukiumut 0,001 mSv/**
- **Ikikkut pinngoqqaat aqqutigalugu timimut pisup annertussusaanik paasinarsisitsisoq: ukiumut 0,1 mSv**

Issumi pinngoqqaammilu ikermik mingutsitsisuni plutonium-ip annertussusaanut kisitsisit- mianersortumik nalliliineq tunngavigalugu- annertoorujussuit toqqarneqarsi-mammata, timimullu siaruarnissaasa ilimanaataa 1 %-imit annikinneerarsuartut nalilerneqarmat, qinngornerit ulorianartut katersuuttut annertussusaattut toqqakkat, inuit Avanersuarmiittut plutonium-ip qinngornerinik ulorianartunik ikimikkut suniivigineqarsinnaanerat, annertussutsinut qaffasinnerpaat ilaannut inissinneqartutut isigisariaqarpoq.

4.5 Eqikkaalluni naliliineq

Qinngornerit ulorianartut, sunniivigineqarnissamut aqqutaasartunut pingasunut, annertussusai naapertuuttut (najuussuineq, nerineq kilerneqarneq/kimillanneqarneq) taamatullu nalorninartut, killiliisut nalornissutaasullu, immikkoortuni siuliini sukumiinerusumik nassuiarneqarput. Qinngornerit ulorianartut suniinerisa annertussusaat sunniivigineqarnermullu aqqutaasartut pingasut naapertuuttut tabelimi 18-imi takutinneqarput.

**Tabeli 18. Avanersuarmi nunap qinngorernik ulorianartunik
mingutsinneqarneragut sunniivigineqarnerup annertussusai
naapertuuttut.**

Sunniivigineqarsin-naanermut aqqutaasoq	Ukiumut qinngorernik ulorianartunik sunniivigineqarneq mSv	Oqaatigiumasat
Najuussuunikut	0,000.000.1	Sorujuiaammut uuttukkanik tunngavilik
Nerinikkut	0,000.1	USA-mi nersutaatinut tunngatillugu naatsorsueriaatsimik tunngavilik
Kilerneqarnikkut/kimillanneqarnikkut Issoq 0,1 g	0,001	Ilimanaataa 1 %-imit annikinnerungaatsiartoq
Kilerneqarnikkut/kimillanneqarnikkut Pinngooqqaatip nalinga 20 µm	0,1	Ilimanaataa 1 %-imit annikinnerungaatsiartoq

Qinngornerit ulorianartut annertussusaat tabelimi takutinnejartut imm. 2.2-mi Thule-mi ajutoornermut atatillugu mingutsisinermi, ukiumut 1 mSv-mik annertussutsimut toqqammavissatut innersuussutaasunut assersuukkaanni, najuussuunikut nerinikkullu sunniivigineqarneq toqqaammaviusumit 10.000 –imiit 10 million-eriaammik annikinneruvoq. Ikikkut sunniivigineqarnermi qinngornerit ulorianartut quleriaammiit tusintileriaammut annikinnerupput, ikikkullu sunniivigeneqarsinnaanerup ilimanaataa 1 %-imit annikinneralaarsuulluni.

Tamanna tunngavigalugu 1968-imi ajutoornerup kingorna Avanersuarmi inuit inoqamminnut amerlanernut sinniisut, atukkat patsisaasullu ajornerpaajugaluarpatalu- unniit, qinngorernik ulorianartunik sunniivigineqarnerat ataatsimut katikkaanni, toqqammavissatut innersuussutaasumit annikinnerusoq, SIS naliliivoq

Inunnut pineqartunut pingasunngorlugit immikkoortitanut uuttutuissatut naapertuutt kapitali 3-mi tabelini arlalinni takutinnejarpot. Taamaallaalli kapitalimi tassani inersimasut qinngorernik ulorianartunik sunniivigineqarnerat pillugu naatsorsorallakkat inernerillu takutinnejarpot, kisianni qinngornernut ulorianartunut annertussutsit naapertuuttut taaneqartut, inunnut qulinik ataatsimillu ukiulinnut immikkoortitanut aamma atuupput. Sunniivigineqarnermik tamakkiisumik naliliineq inunnut immikkoortunut pineqartunut tamanut atuuppoq.

Qulaani naliliineq ingasaassilluni assersuummik taamaammallu piviusorsiornerunngitsumik matuminnga tunngavilersorluarneqarsinnaavortaaq. Risø DTU-p Narsaарsummi nunap qaani issumik 1m^2 -sut atsigisumik milluaanikkut misissugassatut katersukkap americium 241-mik qanoq annertutigisumik aqoqarnera misissugassani 56-ni uuttortarpa [6]. Misissugassat milluaanermi immiussangortut oqimaassusaat 1 g-imiit 400 g sinnerlugu nikerarpoq. Uuttortakkat ilaat marluk pinngooqaaammit ataatsimit arlalinniluunniit Thule-meersumit pisuussangatitanik, americium 241-mik 30 Bq-mik annertussusilimmik aqoqarput. Taanna plutonium 239-imiik 200 Bq-p missaanik aqoqassutsimut naapertuuppoq, siulianilu ikeq aqqutigalugu qinngorernik ulorianartunik sunniivigineqarnermik naliliinermut ilaalluni. Misissukkat sinneri, milluaanermi immiussap americium 241-mik- plutonium 239 20 Bq-p missaata nalinganik 3 Bq-mit annikinnermik aqoqarput. Milluakkap puuani uuttortakkap annertoqataa tamakker-

lugu najuussuukkaanni nerigaanniluunniit -anertussutsimut toqqammaviit siuliani erseqqissaavagineqartut atorlugit 0,6 mSv -p nalinga najuussorneqassaaq nerinikkullu 0,05 mSv-p nalinganik sunniivigittoqassalluni.

4.6 Plutonium-imik timimit aniatitamik uuttortaasimanerit

Naalagaaffiup qinngorernut ulorianartunut illorsornissamut ilisimatusarfiata (Statens Institut for Strålebeskyttelse) Risø DTU suleqatigalugu 1968-imi Thule-mi ajutoornermut arlaatigut attuumassuteqarsimasut plutonium-imik timiminniit aniatitsinerannik uuttortaallutik 1988-mi misissuipput [36]. Uuttortaanermi ilaatigut kalaallit piniartut allallu timmisartorsuup nakarfiani suleqataasimasut Narsaarsummiluunniit najugaqarsimasut quuinik misissuisoqarpoq.

Quumut misissugassamut ataatsimut 0,000.2 Bq plutonium 239, 1988-mi uuttortaanermi periusaasumi qaffasinnerpaatut killigititaavoq. Taanna taamanikkut plutonium-ip timimut siaruaanneranut aniaqqinneranullu ICRP-p innersuussutanut aalajangersimasumut, 1968-mi plutonium-imik 239-mik 300 Bq-mik najuussinikkut sunniivigineqarnerup, 1988-mi paasineqarsimasinnaaneranut naapertuuppoq. 1988-mi misissuinermi misissukkat arlaannaanniluunniit plutonium-imik nassaartoqanngilaq, taamaamat misissuivigineqartuni 1968-mi plutonium 239-ip qinngornerinik ulorianartunik suniivigineqarsimasinnaaneq 300 Bq-mit annikinnerusimassasoq inernilerneqarpoq. Plutonium-imik taama annertussusilimmik sunniivigineqarneq, 1988-mi ICRP-p innersuussutai taakku tunngavigalugit naatsorsuinikkut, inuk ataaseq ukiuni 50-ini tulliuttuni qinngorernik ulorianartunik 20 mSv-nik annertussusilinnik sunniivigineqrussatut (ukiumut 0,4 mSv) naliliivigineqarpoq.

Najuussuinkut qinngorernik ulorianartunik sunniivigineqarnerup annertussusaa, nalunaarusiami matumani Palomases-imi pujoralak pillugu immikkut paasissutissat tunngavigalugit, qanoq naatsorsorneqarnera plutonium-ip timimi siaruaattarnera aniaqqittarneralu pillugit ICRP innersuussutai kingulliit immikkoortumi 3.3.1.-imi nas-suaatigineqarput. Paasissutissat innersuussutilu taakku ullumikkut quup plutonium-imik akoqarneranik uuttortakkat naliliivignerannut tunngavigisallugit pitsaanerpajus-sapput, taamaammallu 1988-mi uuttortakkanik naliliinermi atorneqarsinnaallutik. 1988-mi naliliineq ullumikkullu naliliineq naatsorsueriaatsimik IMBA Professional Plus -mik tunngaveqartoq, tabelimi 19-imi takutinneqarpoq [31]

Tabeli 19. 1988-imi 2011-imilu plutonium 239-ip 1968-imi najuussukkap qinngornerisalu ulorianartut annertussusaannik naliliineq 1988-mi uuttortaanermi quumi plutonium 239-imut killigititaasumut 0,000.2 Bq-mut naapertuuppoq.

Ukioq naliliivusoq	Naliliivisaq	Najuussukkap minnerpaaffiatut paasineqartoq Bq	Najuussukkap minnerpaaffiatut paasineqartoq mSv
1988	Sannaap suussusaa S	300	20
2011	Palomares-imi pujoralak	600	15
	Sannaap suussusaa M	200	9
	Sannaap suussusaa S	1.000	20

Plutonium-ip najuussukkap ullumikkut naatsorsukkap tamatumalu kingunerisaanik qinngornernik ulorianartunik suniivigineqarneq, naatsorsuinermi suna naliliivigineqarnersoq apeqqutaalluni, 1988-imi naliliinermut sanilliullugu marluk pingasoriaammik nikerartoq, tabelimi 19-imi takutinneqarpoq. Taanna naatsorsuineq ataatsimut isi-galugu nalornissutaasinnaasut iluanniippoq taamaasillunilu 1988-imi uuttortaanermi paasisanik naliliisimanerit suli attunnerinik takutitsilluni.

Tabelimi 19-imi najuussuinikkut qinngornernik ulorianartunik suniivigineqarneq, quumik misissuineq ukiunik 20-inik sioqqullugu ataasiarluni najuussuinertut naatsorsorneqarpoq. Akerlianilli misissuineq ukiunik 20-inik sioqqullugu najuussuineq assigiaamik agguataaraanni, Palomares-imi pujorammi uuttortakkat naapertorlugit ullormut plutonium 239- 0,005 Bq najuussorneqarsimassaaq, ukiut 20-it taakku ingerlane-ranni katillugu najuussukkamut 300 Bq-mut qinngornernillu ulorianartunik 8 mSv-nik suniivigineqarnermut naapertuuppoq.

5 Ajutoornerni allani mingutsitsinerit

Plutonium-imik atomip nukinga atorlugu sakkussianeersumit nunap immikkoortuinik mingutsitsinerit, sakkusiornermut misileraanermullu atatillugu nunarsuup ilaani sum-miifinni arlalinni timmisartullu qaartartunik usisut ajutoornerisigut pisarsimapput. Mingutsitsinikkut nunap inui plutonium-ip qinngornerinik ulorianartunik sunniivigineqarsinnaanermut ulorianartorsiorstinneqarput qanorlu annertutigisumik sunniivigineqarsimanerisa naliliiviginissaanut uuttortaanerit ingerlanneqarput. Saliinissamut pilersarutit naammassineqarnissaannut uuttortaanerit tunngavagineqarput, tamatumunngalu atugassatut annnertussusissatut toqqammavissanik- tamatumalu nassataanik mingutsineqarsimasunik atuinermut najugaqarnermullu toqqammavissanik imal. akuersinissamut toqqammavissanik- pisortat attuumassuteqartut aalajangersaapput. Avanersuarmi mingutsitsinermut tunngaviusunik paassisutissiissutit asersuutissatullu Palomares-imi Spaniamiittumi Maralingamilu Australiamiittumi arlalitsigut Thule-mi mingutsitsinermut assersunneqarsinnaasuni qanoq pisoqarsimanera naatsumik nassuiardeqassaaq.

5.1 Palomares, Spaniamiuttoq

1966-imi amerikkarmiut timmisartuat qaartartunik nakkaatitsisartoq silaannarmi timmisartumut orsiisartumut apornermigut Palomares-imi nakkarpooq. Timmisartoq atomip nukinganik sakkussianik Thule-mi timmisartorsuup nakkartup usiisa assinginik qaartartunik sisamanik useqarpoq. Qaartartut ilaanni marlunni atortut qaarujuussuar-nikaat qaarnerisigut nunaateqarfittu illoqarfilla $2,25 \text{ km}^2$ -isut isorartutigisup iluanuit-tut mingutsinneqarput.

Ajutoornerup kinguninngua uuttortaanerit naapertorlugit, issumi plutonium 239-ip annertussusaata kiilumut 80 Bq-miit kiilumut 8 kBq pallippaa [37]. Saliineq ingerlaanaq aallartinneqarpoq issorlu mingutsinneqarnerpaq qalleq 10 cm-inik issussusilik plutonium-illu annertussusa m^2 -imut 1,2 MBq annertunerusoq peerlugu qinngornerinik ulorianartunik akulittut igitassatut USA-mut nassiunneqarpoq. Tamatuma kingorna sumiifinni nunap qaani plutonium-ip annertussuseq m^2 -imut 0,12 MBq sinner-magu nuna imerterneqarpoq, itisuumik assallatserneqarluni mingutsitsinerlu annikil-lisinniarlugu assigiaarnerulersinneqarluni [38].

Tamatuma kingorna Palomares-ip eqqaani avatangiisini misissuinerit silaannarmi plutonium 239-p annertussusaanik- sumiifinni sisamanik sakkussiat marluk nakkafiini, mingutsinneqartumi allami illoqarfittaanilu Palomares-imi uuttortaasoqarpoq. 1966 -imiit 1995-imut qinngornerit ulorianartut agguaqatigiissinnerat annertunerpaq m^3 -imut 440 μBq 1967-imi uuttorneqarpoq. Qinngornerit ulorianartut agguaqatigiissinnerat sapaatip akunneranut annertunerpaq marsi qaammat 1967 uuttorneqartoq m^3 -imut 11.000 μBq -uvoq. Ukiut 30-it tamakkerlugu qinngornerit ulorianartut agguaqatigiissillugit nunaateqarfinni m^3 -imut 39 μBq -uvoq illoqarfinnilu m^3 -mut 4 μBq -ulluni. Qinngornerit ulorianartut annertussusaanik naatsorsuineq plutonium 239-ip silaannarmi annertussusaanik- immikkoortumilu 3.3.1-imi periutsimik tunngaveqarpoq [39]. Qinngornerit ulorianartut annertunerpaat ukiumut 0,054 mSv-usut, 1967-imi nunalerinermik suliallit akornanni uuttorneqarput. Ukiut 30-it ingerlaneranni najuussuinikkut qinngornerinik ulorianartunik sunniivigineqarneq, nunalerinermik suliallini 0,21 mSv-nut naatsorsorneqarpoq illoqarfimmunullu 0,037 mSv-nut agguaqatigiissillugu ukiumut 0,007 mSv kiisalu 0,001 mSv-nut naatsorsorneqarluni. Plutonium 239-ip nunap qaaniittup m^2 -imut 0,12-imuit 1,2 MBq-mut nikerarfiini silaannarmi uuttortaanerit ingerlanneqarput. Taamaammat Palomares-imi ajutoornermi nunap qaani silaannarmilu qinngornerinik ulorianartunik

ataqatigiissumik uuttortaanikkut teqqalaqqittunik missingersuisoqarsinnaasimavoq. Teqqalaqqittup aallaqqammut 10^{-7} -mik annertussuseqarsimanissa qamatillu marlussuit qaangiunneranni 10^{-9} -mut apparsimanissa ukiullu marlussuit qaangiunneranni 10^{-10} -miilersimanissa misissuinerit paasinarsisippaat.

90-ikkut ingerlaneranni Palomares -ip eqqaanillu atuineq, tenikkikkut atortut nutaalia-anerpaat atorlugit nunalerinerup (naatsitsiviit) takornariaqarnerullu annertuumik iner-artortinnerisigut nutaanillu illorpassualiornikkut annertuumik allannguuteqarpoq. Taama nunamik atuinerup allannguuteqarneragut nunap annertuup nuunneqarneranik kinguneqartup, plutonium-imik mingutsinerup amiakkuata inunnut sunniussinna-anera qaninnerulersinneqarsinnaavoq. Nunap qaaniit 45 cm-isut itissusilik pallillugu zone 2-mik taagukkami, plutonium-ip ataatsimut katilluni annertussusaa 2,9 TBq-usoq, Spaniami Research Center for Energy, Environment and Technology (CIEMAT), 2000-imi naliliivoq, 2003-milu Spaniami oqartussat Palmores-imi nunap qaaniit 15 cm pallillugu itissusilimmik atuinissamut toqqammavissanik maleruagassiorput. Nunamik atuinissamut toqqammavissat naapertorlugit killeqanngitsumik atuisinna-aneq akuerineqarsinnaavoq, qinngornerit ulorianartut sunniisinnaanerat ukiumut 1 mSv-mit annikinnerussangatinneqarpat, ilaannakortumik atuisinnaaneq misissueqqin-nissamut piumasaqaatitaqluni, qinngornerit ulorianartut sunniinerat ukiumut 1 mSv-ip missaaniippat, kiisalu qinngornerit ulorianartut sunniinerisa ukiumut 5 mSv qaangersimassappassuk nunamik atuinissaq inerteqqutaassaaq. Nunamik atuinissamut toqqammavissat tunnavigalugit Spaniami oqartussat issumi plutonium 239 annertus-susilerpaat [40], Tabeli 20 takuuq.

Tabeli 20. Palomares-imi nunap atornissaanut aalajangersaanermi toqqammaviit tamatumunngalu atatillugu issumi plutonium 239-ip annertussusaa.

Nunamik atusinnaaneq	Ukiumut qinngornerit ulorianartut annertussusaat mSv	Issumi qinngornerit ulorianartut annertussusaat Pu-239 kBq/kg
Inerteqqut	> 5	> 25
Ilaannakortumik -misissueqqinnertalik	~1	1 – 25
Killeqanngitsumik	< 1	< 1

Mingutitsinerup amiakkuata sukumiisumik naliliiviginissaa siunertaralugu ilisimatusaneq aallartinneqarpoq, americium 241-millu mingutsineq $6,6 \text{ km}^2$ -isut isorartutigisumi misissugassani arlaqaqisuni uuttortarneqarpoq. Nunap $0,2 \text{ km}^2$ -inik isorartussusillip 1966-imi mingutsiviunngitsutut aalajangikkap avataani mingutsitsisoqarsimana-nera, uuttortaanerit taakku ilaatigut takutippaat. Nunap immikkoortui taakku pallin-neqarsinnaajunnaarlugit ungaluneqarput mingutsinerullu annertussusaanik uuttorta-anerit arallit ingerlanneqarlutik.

Nunap minguttsineqarsimasup USA-mukaanneqarsinnaanera paasineqanngimmat suli aalajangiivigneqaranilu aallartinneqanngitsumik, minguttsineqarnerpaat atorneqaqqis-sinnaalersinnissaannut pilersaarusiortoqareeropoq [40].

5.2 Maralinga, Australiamerittooq

1955-ip 1963-illu akornanni Maralinga-mi Australiap kujataani inoqajuitsumi atomip nukinganik sakkussianik misileraaneq Tuluit Nunaannit ingerlanneqarpoq.

Misileraanermi ilaatigut annikitsunik taaneqarsinnaasunik ikuallaasoqarpoq, qaarnik-kullu plutonium uran-ilu timmisartut Thule-mi Palomares-imilu ajunaarneranni pisut siammartinneqarput. Tuluit misileraanerat naammassimmat nunap mingutsinne-qarnera, tamaani najugaqarumaartussat misileraanerullu nalaani misileraavimme-eqquaangitsut peqqissusaannut ajoquisiinnaasutut naliliivigineqartoq, suli annertoqaaq. Najugaqalerumaartussat tassaasorineqarput Australiam i nunap inoqqaavi aboriginals, aalajangersimasumik najugaqaratik angalaannartuusut. "Tabelimi 21-mi Australiam pinngooqqaatit sunniisinnaanerinut annertussusaanullu toqqammaviusut eqqarsaatigalugit, Thule-mi nunap immalluunniit naqqata qaleriiarnerini pinngooqqaatit sunniisinnaassusaannut annertussusaanullu killiliussatut toqqammaviusunit, annertunerusunik uuttuisoqarsimanngilaq."

Australiam oqartussat 1993-imi mingutsinneqarsimasup atorneqaqqissinnaalernissaanut suliniut ilaatigut saliinermi toqqammavissanik uuttortaaqqinnissamillu imalik aall-artippaat. Saliinissami toqqammavissat innuttaasut mingutsinneqartumi ukioq naallugu najugaqarsimanerat sunniivigineqarsinnaanermullu aqutaasinnaasut pingasut tamaasa eqqarsaatigalugit (pujoralannik teqqalasunik najuussuineq, inuussutissanik mingutsinneqarsimasunik nerineq, ikikkullu mingutsinneqarsimasukkut sunniivigineqarneq) ukiumut 5 mSv tunngavigalugu aalajangersaavigineqarput [41]. Taamaammat saliinermut atatillugu toqqammavissiinermi piumasaqaatit pingarnerit marluk eqqarsaatigineqarput. Siullermik nunap qaani plutonium-ip ataatsimoortup teqqalateqqinnejqarsinnaanermigut najuussorneqarsinnaasup annertussusaa. Americium 241-p nunap qaanik mingutsitsineranut uuttortarneqarsinnaasumut, plutonium 239-ip americium 241-llu nikingassutaat 8 annertussusiisorlu 6 naatsorsuutigalugit toqqammavik taanna atorneqarpoq. Aappasaanik nunap qaani pinngooqqaatit, aseqqukullu mingutsitsisut, piaarinaatsoornikkut nerineqarsinnaasut ikinilluunniit mingutsitsisinnasut, annertussusaannik sunniisinnaanerannillu killilersimaarinminneq. Saliinermi toqqammavissatut alajangersakkat tabelimi 21-mi takuneqarsinnaapput.

Tabeli 21.

Maralingami americium 241-p qinngornerinik ulorianartunik mingutsitami saliinermi tamatumalu nassatarisaanik nunap qaani qinngornerit ulorianartut ataatsimoortut annertussusaannut, qinngornerik ulorianartuk pujoralatsitsinerup annertussusaanut pinngoqqaatillu ataatsimoortut annertussusaannut toqqammavissatut aalajangersakkat.

Saliineq/ nunamik atuineq	Nunap qaani qinngornerit ulorianartut annertussusaat kBq/m ²	Qinngornerit ulorianartut kBq	Pinngoqqaatit ataatsimoortut annertussusaat (> 20 kBq)
Issumik piiameeq ¹⁾	> 40 (10.000 m ² -it sinnerlugit)	> 100	> 1 pr. 10 m ²
Issup piiareerneragut atorneqaqqissinnaalersoq ²⁾	< 3 (10.000 m ² -it sinnerlugit)	< 100	< 1 pr. 10 m ²
Killeqanngitsumik ²⁾	< 3 (3 km ² -it sinnerlugit)	< 100	< 1 pr. 10 m ²

1) Toqqammavissatut aalajangersagaq ataasiinnaq eqquutsinnejassaaq.

2) Toqqammavissatut aalajangersakkat pingasusut tamarmik eqquutsinnejassapput.

Taamanikkut nalinginnaasumik annertussutsimut toqqammavissatut innersuussutaasut Maralingamilu pissutsit immikkut ittut patsisaqataasut eqqqarsaatigalugit, nunap qaani americium 241-p annertussusaa m²-imut 3 kBq-uppat mingutsinnejarsimasoq ukioq naallugu najorsimagaanni, plutonium-ip americium-illu qinngornerinik ulorianartunik, pujoralammik mingutsitamik najuussuinikkut katillugit ukiumut 5 mSv-nik sunniivigineqarnermik kinguneqassaaq. Sunniivigineqarsinnaanermut aqqutaasartut allat marluk piviusorsiortumik eqqaassagaanni qinngorneri ulorianartut 10 %-iinit annikinnerussapput.

5.3 Thule-mi mingutsitsinermut assersuussineq

Nunap immikkoortuani qinngornerinik ulorianartunik mingutsinnejarsimasumi, immikkut nakkutilliinissamik illersornissamulluunniit iliuusissanik pisariaqartitsinermik naliliinermi, aallaqqamaamut mingutsitsinerup qanoq annertutiginera qanorlu sia-ruarsimatiginera apeqquaasarpoq, taamatuttaaq nunap immikkoortuanik atuineq inunnillu najorneqarnera, pissutsinut innuttaasunut tunngasunut, silap pissusaanut allanullu naapertuussinnaasunut sanilliunneqartarpuit. Taamaammat toqqammavissatut annertussutsit malitsigisaanillu saliinissamut piumasaqaatit, nunanilu assigiinngitsuni nunap ilaaniq mingutsinnejarsimasumik atuinissamut piumasaqaatinik imaaliallaannaq assersuussisoqarsinnaanngilaq. Tulliniili Palomares-imi Maralinga-milu annertussusissatut toqqammaviit piumasaqaatillu Thule-mi misissuinernut kisitsisitiguinnaq assersuunne-qarput.

Palomares

Palomares-mi nunap ilaani mingutsinnejarnerpaasimasumik atuinissamut najugaqr-nissamullu inerteqquteqarnermi, ukiumut annertussusissatut toqqammavissaq 5 mSv tunngavigineqarpoq. Thule-mi (nalunaarummi matumani) Palomares-imilu nunamik mingutsinnejarsimasumik killeqanngitsumik atuisinnaanermut, qinngornerit ulorianartut ukiumut 1 mSv-mit annikinnerunissaat tunngavigineqarpoq.

Mingutsinnejarsimmasuni plutonium 239-imik mingutsitsinerup annertussusaa naapertorlugu piumasaqaat atuuttoq kiilumut 25 kBq-iusoq najornissaa inerteqqutaasoq kiilumullu 1 kBq killeqanngitsumik atuisinnaatitsisoq, Narsaarsuup eqqaanilu mianersortumik annertussusiliussamut kiilumut 1,8 kBq-mut assersunnejarsinnaapput (tabeli 13-ni takuuk).

Maralinga

Maralingami mingutsinnejarsimanerpaani atuinissamut najugaqarnissamullu inerteqquteqarnermi ukiumut 5 mSv tunngavigineqarpoq. Toqqammavissatut annertussusiliussaq taanna mingutsinnejarsimmasunik killeqanngitsumik atuinermi annertunerpaaffisatut aamma killigitinneqarpoq.

Mingutsinnejarsimmasuni americium 241-imik nunap qaani mingutsitsinerup annertussusaa naapertorlugu piumasaqaatit atuuttut, issumik piaanermi m^2 -imut 40 kBq killeqanngitsumillu atuisinnaanermut m^2 -imut 3 kBq (km^2 -it pingasut sinnerlugit), Narsaarsuup eqqaanilu mianersortumik annertussusiliussamut kiilumut 9 kBq-mut assersunnejarsinnaapput (tabeli 13-ni takuuk).

Tabel-imi 21-mi qinngornerit ulorianartut suniisinjaassusaannut annertunerpaaffigisinjaasaannullu Australiami piumasaqaatit, Thule-mi nunami immalluunniit naqqa ni qaleriaani pinngoqqaatinut killiliussaq 100 kBq sinnerlugu suniisinjaassusilinnik imal. americium 241 -mut tunngatillugu pinngoqqaatip ataatsip sunniisinjaassusaannut- taamatullu pinngoqqaatit ataatsimuussusaannut killiliussaq 20 kBq qaangerneqar simanngilaq (m^2 -ini qulini amerlassusaat).

6 Inerniliinerit innersuussutilu

6.1 Inerniliinerit

Risø DTU Avanersuarmi 1968-imi amerikkarmiut timmisartorsuata qaartartunik ato-mip nukinganik sakkusianik sisamanik useqarluni nakkarnerata kingorna, qinngornerit ulorianartut siaruaannerisigut mingutsitsinermik misissuivoq. Risø DTU-p misissuine-rini Avanersuarmi 2003-mi 2006-imi 2007-imi 2008-milu uuttortaanernerni paasisat nalunaarusiami *Thule-2007 – Investigation of radioactive pollution on land* allaaserineqar-put.

Nalunaarusiami tassani Risø DTU-p misissuineri tunngavigalugit qinngornerit ulorian-artut annertussusaat taamaasillunilu Avanersuarmi nunamik mingutsitsinerup kingune-risaanik inunnut navianaataa naliliivigineqarpoq.

Mianersortumik piumasaqaatit, naatsorsuutigisat uuttortaanerillu arlallit tamarmik qulakkeerneqarsinnaanngivissut, qinngornerit ulorianartut annertussusaannik nalili-nermi ilaapput. Arlalitsigut naatsorsueriaatsit, nunarsuup ilaani Avanersuarmi silap pis-susanit allatigullu allaassuteqartuni mingutsitsinernit misilitakkaniq tunngaveqartut, atorneqarput. Qinngornerit ulorianartut annertussusaannut naatsorsuutit nalorninaate-qangaatsiarerat, Avanersuarmiinnerup navianaataanik assersuussiniarnermi malugini-aqqissaartuagassaavoq. Tamannarpiaq pissutigalugu, ukioqatigiaat assigiinngitsut ilann-gullugit, qinngornerit ulorianartut annertussusaannik inunnut mingutsiviusumiittu-nut tamanut atuuttumik naliliinerit, naapertuuttumik annertussulerneqarput.

Nalunaarusiami matumani qinngornerit ulorianartut annertussusaannut toqqammavisa-tut naliliinerit Thule-mi ajutoornerup kingunerisaanik SIS-imit innersuussutaasumut ukiumut 1 mSv-mut assersuukkaanni, qinngornerit ulorianartut najuussuinikkut ner-nikkullu sunniinerisa annertussusaannut naliliinerit, naatsorsuinermi toqqammavigisa-mit arlaleriaammik annikinnerupput (100.000 -riaammiit 10 millioneriaammut anni-kinnerupput). Ikeq aqqutigalugu sunniivigineqarneq quleriaammiik tuusintileriaam-mut annikinneruvoq ilimanaataalu 1 %-imit annikinnerulluni.

Tamanna tunngavigalu 1968-mi Thule-mi ajutoornerup kingorna, pissutsit piumasaqa-atillu ilungersunarnerpaaffiini allaat, plutonium-ip qinngornerinik ulorianartunik inuit inoqatiminnt sunniusuusinnaasut sunniivigitinnerat ataatsimut katikkaanni, annertus-sutsimit toqqammavissatut innersuussamit annikinnerusoq SIS naliliivoq.

6.2 Innersuussutit

Risø DTU-p misissuinerini naatsorsuinerit, qinngornerit ulorianartut annertussusaan-nik naliliinerit, najoqqutassanik misissuinerit il.il. tunngavigalugit, SIS qinngornernut illersornissaq peqqissuserlu tunngavigalugit uuttortaanerit naliliinerillu malinnaaffigi-nissaannut pisariaqtitsineq siunissamilu uuttortaanissamut pisariaqtitsinissamik naliliinerit eqqarsaatigalugit SIS-imit makku innersuussutaapput:

- Qinngornernut ulorianartunut illersorsinnaanermut naliliineq tunngavigalugu ullu-mikkut Thule-mi mingutsinneqarsimasumik atueriaaseq tunngavigalugu mingutsin-neqarsimasup najornissa il.il. killilersortariaqanngilaq saliisitsisoqartariaqaranilu.
- Qinngornernik ulorianartunik nerisatigut sunniivigineqarnermik naliliinermi oqa-atigineqareersutut, Avanersuarmi nunallu immikkoortuini allani umimmaat pluto-

nium-imik mingutsinnejqarsimanerat pillugu maannamut uuttortaaqarsimangimat, naliliinermi nunarsuup ilaani allami mingutsitsiviusumi, silap pissusaa pissut-sillu Avanersuarmiit allaasuteqaraluit, taakkunani misilittagarineqartut toqammavigineqarput. Nerisatigut qinngorernik ulorianartunik sunniivigineqarnermik naatsorsuutit pitsaanerulersinniarlugit, Avanersuarmi umimmaat nunamilu miluumasut allat neqaat misissuiffigineqartariaqarput. Qinngorernik ulorianartunik avatangisini nalinginnaasumik polonium 210-mik, qinngorernik ulorianartunik plutonium-imik mingutsinsinermit annertuneroqisumik sunniisartumik misissugassat akoqarnerat, aamma misissuiffigisariaqarpoq.

- Plutonium-imik mingutsinsikkut qinngorernik ulorianartunik Avanersuamiittut sunniivigineqarnerannik naliliineq, Risø DTU-p 2008 ilanngullugu misissuinerinik, ullumikkullu mingutsinnejqarsimasumik atuinermut sanilliussinermik tunngaveqarpoq. Naliliinermi matumani tunngavigineqartut atuuksiinnarsinnaanerat qulakkeerniarlugu ukiut tallimaniit qulit qaangiunnerini nalimmassakkamik uuttortaanermi atugassamik maleruagassiortoqartariaqarpoq.
- Avanersuarmi innuttaasut qinngorernik ulorianartunik sunniivigineqarnerisa naliliivignerat, Thule-mi toqqammavissatut najoqqutarisamiit annikinneralaarsuuvooq, taamaammat annertussutsimik nakkutilliinissaq eqqarsaatigalugu, mingutsitsiviusimasumi innuttaasut plutonium-imik qanoq annertutigisumik timasaakoqarnerannik, Narsaarsummi 1989-imi najugaqarsimasut quuisa misissuivignerattut ittumik, uuttortaanissaq pisariaqanngilaq.
- Mingutsinnejqarsimasup allatut atorneqarnissaa pilersaarutaalerpat, ass. illuliorfigalugu allatigulluunniit inoqarfissangorlugu sanaartorfiginiarneqalissappat, najugaqarnissamut allatigullu atuinissamut killilersuinissamik saliinissamilluunniit pisariaqartitsineq pilersaarisornermut ilanngullugu naliliivigeqqeqqaartariaqassaaq.
- Nunap ilaanik aalajangersimasunik allagarsiineq assersuinerlu illersornissamik pat-siseqanngitsut, SIS-ip Avanersuarmiut ilaminnut sinisaasinnaasut- allagartalersuisartussat assersuisartussallu ilanngullugit- qinngorernik sunniivigineqarnerisa ataatsimut katillugit naliliivignerannut sunniuteqassanngillat.
- Saliinissamut atatillugu plutonium teqqalatinneqalersinnaavoq taamaasinerani inuit saliisut innuttaasullu qinngorernik ulorianartunik sunniivigineqarsinnaanerat annertusitinneqassaaq. Taamaammat saliinissamik suliniuteqarneq aalajangiivigineqartinnagu aallartitsinnagulu, qinngorernut ulorianartunut illersornissamut iliuseqarnikkut, tamakkiisumik isumannaallisaasoqqaassaaq

7 Najoqqutarisat

1. U.S. Air Force, 1970. Project Crested Ice. USAF Nuclear Safety, 65, 1-97.
2. Hanson, W.C., Plutonium in lichen communities of the Thule, Greenland region during the summer of 1968, Health Physics 22, 39-42, 1972.
3. Nielsen, S.P. og Roos, P., 2006. Thule-2003 – Investigation of Radioactive Contamination. Risø-R-1549(EN). Forskningscenter Risø, Roskilde.
4. Forskningscenter Risø, April 2007, Projektforslag Thule-2007 - Undersøgelse af radioaktiv forurening på landjorden.
5. International Atomic Energy Agency (IAEA), 2008, International Peer Review of the Technical Content of the Project Proposal "Thule-2007 - Investigations of Radioactive Contamination on Land".
6. Nielsen, S.P. og Roos, P., 2011, Thule-2007 – Investigation of radioactive pollution on land. Risø-R-1781(EN). Risø DTU. http://www.risoe.dtu.dk/Knowledge_base/publications/Reports/ris-r-1781.aspx
7. JSA-EnviroStat, 2011, Spatial statistical analysis of contamination levels of ^{241}Am and ^{239}Pu at Thule, North-West Greenland, Gilleleje, Denmark. http://www.risoe.dtu.dk/Knowledge_base/publications/Reports/ris-r-1791.aspx
8. International Commission on Radiological Protection, 2007, ICRP Publication 103, The 2007 Recommendations of the International Commission on Radiological Protection.
9. Petersen D., Storm Boe U. og Persson B. 2007, Radon i Grønlandske Boliger, Greenland Survey 2005-1. Grønlands forundersøgelser, ASIAQ, Niras Greenland A/S.
10. Nordiske strålebeskyttelsesmyndigheder, 2009, Recommendations for radon in dwellings in the Nordic countries. http://www.sst.dk/publ/Publ2009/SIS/Radon/Nordic_radon_recommendations_15-09-2009.pdf
11. Walsh, C. 2002, Calculation of Resuspension Doses from Emergency Response, National Radiological Protection Board UK, NRPB-W1 2002 http://www.hpa.org.uk/web/HPAwebFile/HPAweb_C/1194947420391
12. International Commission on Radiological Protection 1995, ICRP Publication 71, Age-dependent Doses to Members of the Public from Intake of Radionuclides: Part 4 Inhalation Dose Coefficients.
13. Roos, P., Outola I., Nygren U., Ramebäck H. and Sidhu. R., 2010, Assessment of weathering and leaching rates of Thule hot particles, Nordic nuclear safety research, NKS-215, 2010. http://www.nks.org/download/nks215_e.pdf
14. Lind O.C., Salbu B., Janssens K., Proost K., García-León M. and Garsía-Tenorio R., 2007, Characterization of U/Pu particles originating from the nuclear weapon accidents at Palomares, Spain, 1966 and Thule, Greenland, 1968, Science of the Total Environment 376 (2007) 294-305.

15. Stradling G.N. and 13 others, 1996, Dose Coefficients and Assessment of Intake after Inhalation of Contaminated Dusts at Palomares. Report NRPB-M692, National Radiological Protection Board UK, 1996.
16. ICRP Supporting Guidance 3, 2002: Guide for the Practical Application of the Human Respiratory Tract Model. Ann ICRP 32: 1-2, 2002.
17. Bjerregaard, P. og Dahl Petersen, I.K., 2011, Sundhedsundersøgelsen i Avangersaq 2010, SIF's Grønlandsskrifter nr. 23, Statens Institut for Folkesundhed, 2011.
18. Personlig oplysning, P. Bjerregaard 2011, Statens Institut for Folkesundhed.
19. Cuyler C. og Nymand J., 2011, Rådgivning for fangst på rensdyr for efteråret 2011/vinteren 2012, Grønlands Naturinstitut, 2011.
20. Cuyler C. og Nymand J., 2011, Rådgivning for fangst på moskus for efteråret 2011/vinteren 2012, Grønlands Naturinstitut, 2011.
21. Pinder J.E., McLeod K.W., Adriano D.C., Corey J.C. and Boni A.L., 1990, Atmospheric deposition, resuspension, and root uptake of Pu in corn and other grain-producing agroecosystems near a nuclear fuel facility, Health Physics 59 (6), 853-867, 1990.
22. IAEA Handbook of Parameter Values for the Prediction of Radionuclide Transfer in Terrestrial and Freshwater Environments, 2010, Technical Reports Series no. 472, 2010.
23. Gilbert R.O., Engell D.W. and Anspaugh L.R., 1980, Transfer of aged $^{239+240}\text{Pu}$, ^{238}Pu , ^{241}Am and ^{137}Cs to cattle grazing in a contaminated arid environment, Science of the Total Environment, 85, 53-82, 1980.
24. Gilbert R.O., Engell D.W., Smith D.D., Shinn J.H., Anspaugh L.R. and Eisele G.R., 1988, Transfer of aged Pu to cattle grazing in a contaminated environment, Health Physics 54 (3), 323-335, 1988.
25. Eakins J.D., lally A.E., Cambray R.S., Kilworth D., Morrison R.T. and Prartley F., 1988, Plutonium in Sheep Faeces as an Indicator of Deposition on Vegetation, Journal of Environmental radioactivity 1, 87-105, 1988.
26. Personlig oplysning, 2011 S. P. Nielsen, Risø DTU.
27. Deautch B., Dyerberg J., Pedersen H.S., Aschlund E. and, Hansen J.C., 2007, Traditional and modern Greenlandic food – Dietary composition, nutrients and contaminants, Science of the Total Environment, 384, 106-119, 2007.
28. Personlig oplysning, 2011, P. Bjerregaard, Statens Institut for Folkesundhed.
29. Haywood S.M. and Smith J., 1990, Assessment of the Potential radiological Impact of Residual Contamination in the Maralinga and Emu Areas, report NRPB-R237, National Radiological Protection Board, UK, 1990.

30. National Council for Radiation protection and Measurement, NCRP Report No. 156, 2006, Development of a Biokinetic Model for Radionuclide-Contaminated Wounds and Procedures for Their Assessment, Dosimetry and Treatment, 2006
31. Health Protection Agency, 2010, Integrated Modules for Bioassay Analysis (IMBA) Professional Plus, version 4.1.5, 2010.
32. Holm E., Gwynn J., Zaborska A., Gäfvert T., Roos, P. and Heinricsson F., 2010, Hair and feathers as indicator of internal contamination of ^{210}Po and ^{210}Pb , Nordic nuclear safety research, NKS-217, 2010.
33. Personlig oplysning, 2011, Sven P. Nielsen, Risø DTU.
34. Dahlgaard H., Eriksson M., Ilus E., Ryan T., McMahon C.A. and Nielsen S.P., 2001, Plutonium in the marine environment at Thule, NW-Greenland after a nuclear weapons accident. In: "Plutonium in the environment", Ed. Kudo A., Elsevier, Oxford, UK, 15-30, 2001.
35. AMAP, 1998. AMAP Assessment Report: Arctic Pollution Issues. Arctic Monitoring and Assessment Programme (AMAP), Oslo, Norway. <http://www.apmap.no/>
36. Statens Institut for Strålebeskyttelse, 1988, Plutoniumudskillelse hos tidlige Thule-arbejdere, Addendum 1989.
37. Iranzo E., Sakvador S. and Iranzo C.E., 1987, Air concentration of ^{239}Pu and ^{240}Pu and Potential Radiation Doses to Persons Living Near Pu-Contaminated Areas in Palomares, Spain. *Health Physics* 52 (4), 453-462, 1987.
38. International Commission on Radiological Protection, 2009, ICRP Publication 111, Application of the Commission's Recommendations to the Protection of People Living in Long-term Contaminated Areas after a Nuclear Accident or a Radiation Emergency.
39. Espinosa A., Aragon A., Stradling N., Hodgson A., and Birchall A., 1998, Assessment of doses to adult members of the public in Palomares from inhalation of plutonium and americium. *Radiation Protection Dosimetry* 79 (1), 161-164, 1998.
40. European Commission, 2010, Art. 35 Technical Report – ES-10/1, Plutonium contaminated sites in the Palomares region, Spain, 2010.
41. Cooper M.B., Williams L.J., Harries J.R., 1997, Plutonium Contamination at Maralinga: Clean-Up Criteria and Verification Monitoring, Proc. Sixth Intl. Conf. on Radioactive Waste Management and Environmental Remediation, American Society of Mechanical Engineers, 679-683, 1997.



www.sst.dk



Sundhedsstyrelsen
Statens Institut for Strålebeskyttelse

sis@sis.dk